

بِسْمِ اللَّهِ الرَّحْمَنِ الرَّحِيمِ

المداولة بعد الحكم أحياناً

رؤيا مسرحية

في

ثلاث مداولات

تأليف

ممدوح فهمي

المداولة الأولى

الدفاع الأخير

المنظر

((يلاحظ أن الديكورات في هذه المسرحية لها تنسيق خاص يساعد علي طريقة صياغة العرض من وجهة نظر المتهم فالحدث المسرحي ينتقل من ديكور الي آخر دون توقف لإعتماد المسرحيه علي التتابع السريع ، وعلي ما تقدم فان الديكورات متناثرة علي خشبة المسرح ويرتبط كل منها مع " سبوت لايت " خاص بها ليضئ في الوقت المناسب مع كل حدث ، ويترك هنا للسيد المخرج مع مصمم الديكور إعداد الديكورات الرمزيه المناسبه للموقف وفي الاماكن المناسبه للحركه والديكورات معاً :

- منصة قضاء مع قفص الاتهام •
- مائدة طعام صغيره •
- مكتب للتحقيق •
- أريكه من صالون •
- زنزانه للسجن •
- طاولة في المحل التجاري •

ويبقى أخيراً أن نشير إلي أن ملابس المتهم لا تتغير طوال العرض المسرحي وهي ملابس الإعدام ، أما ملابس الشخصيات الأخرى فانها تتغير لتناسب المواقف والأحداث ، وأيضاً فإن النص المسرحي سيقصر فيما بعد علي ذكر المكان والحوار والشخصيات فقط)) •

المشهد الأول :المحكمة

(يسلم الضوء علي منصة القضاء الخالية تماماً من القاضي
ومن المستشارين وهناك في قفص الاتهام يقف (صلاح) المتهم
وهو يتطلع الي منصة القضاء الخالية) .

حكمت المحكمة حضورياً بإحالة أوراق المتهم صلاح الدين فتوح
الي فضيلة المفتي . .

(صارخاً) لا . .

رفعت الجلسة . .

(أصوات تصفيق حاد وكذلك تصفير الاعجاب ويتحول هذا
الخليط المزعج بعد ذلك الي شكل منظم من التصفيق والهتاف
كما يحدث في مباريات كرة القدم) . .

هو . . هو . . إعدامه . . هو . . هو . . أشنقوه . .

(يبتعد الصوت أخيراً ويتلاشى) . .

(عيون المتهم صلاح تتابع هذه الاصوات في حركة " بانتونيم
" وكأنهم يتجهون نحو الجمهور) . .

اسمعوني من فضلكم . .

انت قلت كل حاجه . .

(وهو يلتفت نحو المنصة في حده) طيب ليه مش عاوزين
تصدقوني ؟ . .

الجريمة ثابتة عليك . . كل الأدله والشهود وتقرير الطبيب
الشرعي أثبتوا انك قتلت الحاج مختار . .

حد يقتل أبوه !! . .

انت اللي بتسألنا ؟ . .

أنا من حقي أدافع عن نفسي . .

الأدله أكبر من دفاعك . .

لا . . أنا لايمكن اكون قاتل . . ولو كنت قاتل لا يمكن أقتل الحاج

مختار . . انتوا لو تعرفوا ايه معني الحاج مختار بالنسبه لي . .

استحاله حد فيكم يشك لحظه في اني قتلته . . مستحيل اقتله . .

مستحيل . .

ص / القاضي

صلاح

ص / القاضي

مؤثرات

ص / المجاميع

صلاح

ص / القاضي

صلاح

ص / القاضي

صلاح

ص / القاضي

صلاح

ص / القاضي

صلاح

اظلام وانتقال بالضوء للمشهد الثاني

غرفة الطعام

- (سلوى ابنة القتيل مختار تطالع جريدة الصباح وهي تجلس الي مائده الافطار حيث يجلس مختار " الأب القتيل " كما تجلس الأم بجانبه وتبدو عليهم جميعاً السعادة) ..
 ماتاكلي ياسلوى .. مختار
 أخيراً مسكوه .. سلوى
 (وهي تنظر الي الحاج مختار في تعجب) مين اللي مسكوه ده الأم
 يا حاج ؟ ..
 المتهم .. سلوى
 متهم مين ؟ .. الأم
 اللي قتل الراجل .. سلوى
 راجل مين وست مين .. ما تسبيك من البلاوى دى وتفطرى .. الأم
 استنتي بس يأم سلوى .. دى قصدها علي التاجر اللي اتقتل من شهرين .. مختار
 بالظبط يابابا .. اسمع كده .. (تقرأ) ورغم اختفاء القاتل طوال هذه المدة إلا أن البوليس كان ينتبع أثره في كل الأماكن التي يحتمل أن يكون وكرأ له .. وبالفعل تم القبض عليه في إحدى الملاهي الليلية بصحبه الراقصه (ن . ع) .. سلوى
 ينيلها (ن . ع) دى .. ومالقتش غير قتال القتله ده وتحبه ؟ .. الأم
 تحب مين يأم سلوى .. دى بتحب القرشين اللي سرقهم .. مختار
 إياك بقي يكونوا مسكوها هي كمان .. الأم
 لأ .. دول أخلوا سبيلها بعد التحقيق .. لأنها بحكم القانون شاهده فضينا من الكلام ده واطلعي شوفي صلاح اتأخر ليه .. سلوى
 (تبدو عليها السعادة وهي تطوى الجرنال وتلقي به في حركة سريعة ماضية للخارج) حالاً هاجيبه لو حتي بالبوليس .. سلوى
 (بعد خروج سلوى تماماً) باقول ايه يامختار .. الأم
 خير .. مختار
 انت صحيح عقدت العزم علي انك تجوز سلوى لصلاح ؟ .. الأم
 ما الكلام ده انتبهينا منه من زمان .. مختار
 هو صحيح ابن حلال .. وبقي زى ابننا .. بس يعني .. الأم
 بس يعني ايه ؟ .. هي الحكايه لما دخلت في الجد هانبدأ نفكر من جديد ؟ .. مختار
 يا حاج انت عارف ان الناس مابترحمش .. الأم
 يعني لا هايبقي رحمه من الدنيا .. ولا رحمه من الناس .. مختار

- كنت سهران أذاكر ..
 أيوه ياعم .. عاوز تبقي معيد عليه ..
 ياريت .. علشان ماخلكيش تخرجي من البيت نهائي واذاكرلك
 كل حاجه هنا ..
- شفت الغيره يا حاج اللي علي اصولها ..
 قصدك ايه يأم سلوى .. يعني انتي شايفه اني ماباغيرش عليك؟
 (ضاحكه لصلاح) المعركه هاتبدأ ..
 لا معركه ولا خناقه ياستي .. احنا بقي فينا اللي يتغار عليه ..
 (في تردد) طيب ايه رأيك بقي اني باغير عليك وخصوصاً من
 الجدع ده (مختار يشير الي صلاح ويضحك الجميع في سعادته)
 معقول يا حاج ان ماما تحبني أكثر منك ..
 قوله يا بني ..
 يعني أظمن ..
- وتحط في بطنك بطيخه صيفي ..
 ماشي .. ياللا يا صلاح اعملك همه علشان تنزل معايا (يتوقف
 فجأه عن الحديث) إلا قولتي .. انت عندك جامعه النهارده ؟ ..
 جامعه ايه يا بابا .. حضرتك ناسي ان عندي مشوار للبنك عشان
 توريد النص مليون اللي ربنا كرمننا بيهم من بيعه امبارح ..
 بعد ما تخلص تجيني الكليه عشان تاخذني ..
 انتي مش رايعه بعربيتك ..
 لا ..
- أمال انا علمتك السواقه ليه ؟ ..
 ما انت عارف اني ماباعرفش أسوق في الزحمه ..
 لا يا صلاح يا بني .. أعمل معروف خليك معاها شويه كمان ..
 احنا مش ناقصين اعمل معروف ..
- ده كلام .. ده أنا فداها وفداكي وفدا الحاج وفداكم كلكم .. هو انا
 لي حد غيركم في الوجود ..
 (مختار يستعد للخروج وسلوى تجمع بعض الكتب والام ترفع
 الصحون) ..
 الفلوس فين يا حاج ؟ ..
 أديله يام سلوى النص مليون اللي محطوطين في الدولاب ..
 سلام عليكم ..

إظلام تدريجي

المحكمة

(الضوء علي منصة القضاء الخاليه .. وصلاح يجلس في قفس الاتهام ساكناً) ..

ص/ المدعي

وهكذا استطاع المتهم أن يخطط لجريمته البشعة .. فلقد احتال أولاً علي قلوب ومشاعر هذه الأسرة المسكينه بحجه انه طفل ضال فقد أهله وزويه .. ولا يعرف له أصل ولا هويه .. والواقع ياساده أن التحريات التي أجريت حول ظروف وملابسات ظهور المتهم لهم قد أثبتت انه لقيط وانه كان في حضانه إحدى الملاجئ الخيرية وله ملف بها .. وقبل أن نفكر في نظرة إسفاق لماضيه .. فإننا نشير الي انه وبرغم حداثة سنه حين التقى بالمجنني عليه الحاج مختار استطاع ان يؤثر فيه منذ البدايه .. بالله عليكم كيف لهذا الطفل أن يفكر الي تلك الحد من المراوغه والتضليل .. أليس هذا يؤكد وجود المجرم في داخله منذ البدايه ومنذ نعومة أظافره ..

ايه رأيك في الكلام ده انت فعلاً ..

ص/ القاضي

(صلاح يشير بيده نحو المنصه كأنه يوقف القاضي عن الاسترسال) ..

(موافقاً) كل اللي اتقال صحيح ..

صلاح

(صارخاً) أرجو من عداله المحكمه سؤال المتهم عن سر إنكاره لماضيه لان ذلك في صميم الدعوى المقامه ضده .. المتهم ممكن يوضح الأسباب ؟ ..

ص/ المدعي

ص/ القاضي

(صلاح يتوجه بوجهه ناحيه الجمهور ثم يجلس في مراره) .. هناك .. لما كنت في الملجأ .. كان فيه تجاوز لكل تصرف باعمله .. حتي لما كنت باكذب كانوا بيوهمني انهم مصدقني .. كانت نظرتهم لي ولغيري من الاطفال اللي زيي .. نظرة عطف لطفل مسكين كل ذنبه انه نزل ضيف من بطن واحده مايعرفهاش .. ولمده تسع شهور كاملين .. ياترى كان ضيف عزيز ولا سخيف ؟ .. موش عارف .. لكن اللي اعرفه اننا في النهايه افترقنا علي باب جامع .. (فجأة ينهض صلاح ويتجه بالحديث نحو منصة القضاء في حده) .. تصور ياحضرة القاضي .. تصور اني كنت بانادى الداده في الملجأ واقولها ياماما .. وأنادى المشرفه كمان واقولها ياماما .. كانوا بيردوا علي ويقولولي نعم يا حبيبي .. وساعات يا ضنايا .. بالرغم من اني كنت باكذب عليهم في الكلمه دي .. وبالرغم من انهم قالولي

صلاح

ان اللي بيكذب بيروح النار .. أيامها مكنتش اعرف النار ..
 بس مش عارف ليه كنت باخاف منها .. باخاف منها لغاية ما
 عرفتها .. (يتوقف لحظه) .. النار هنا يا حضرات .. النار
 في العالم الكبير ده .. العالم الصغير هناك مافيهوش نار .. فيه
 ان الطفل لو بكى يلاقي اللي يمسح دموعه .. لو قال جعان يلاقي
 اللي يطعمه .. لو قال أشرب يلاقي اللي يسقيه .. لو قال تعبت
 يلاقي اللي يشيله .. لكن هنا .. لو فتح بقة يداس بدور رحمه
 .. والناس تجرى فوقه علشان تلحق معادها .. حتي لو كان
 ميعاد لسرقه أو سهره حمرا أو اتفاق علي قتل قتيل ..

إظلام تدريجي

وارتاح مع مين ؟ ٠٠	سلوى
(بعد محاوله تسمع لما يقوله صلاح) ٠٠ بتقول ايه ٠٠ سمعني	صلاح
باقول اني مش ممكن اكذب عليكى ابدأ ٠٠ والايام حاتشهد بكده	
(صلاح يجمع كتبه بعد ان ينظر لساعته ويستعد للخروج)	
علي فين ؟ ٠٠	سلوى
ماحاول انام شويه عشان بكره عندي شغل ٠٠ تصبجي علي خير	صلاح
(سلوى تشير له بالتحية وهو يختفي بعيداً) ٠٠	

إظلام تدريجي

المحكمة

(المنصه خاليه أيضاً وصلاح يجلس في استرخاء خلف القفص
الحديدي غير مبالياً بما يقال فهو في حالة تفكير عميق) ..
لم يمنعه العلم الذي كان ثمرة من ثمار عطف المجني عليه
ومساندته الدائمة له .. لقد أنفق عليه من مال كأنه أحد أبنائه ..
بل لقد وضعه في مرتبة ابنه الثاني لابنته الوحيدة سلوى ..
سلوى تلك المسكينه التي تعلقت به وكانت تبادلته الثقة رغم كل ما
كان يقدمه من أكاذيب مسمومه نحو غد يجمع بينهما في عش
زوجيه لم يقدر له ان يكون .. وأما هذه الزوجه البائسه فقد قدمت
له كل الحنان وكل الحب .. ولم يكتفي بأن يسلبها كل ما كان
بقلبها الكبير من عاطفة إنسانية نحوه بل تطاولت يده لتسلبها رفيق
عمرها وعماد حياتها .. الحاج مختار القليل ..
(مزج صوتي للأم في نهاية حديث المدعي للحديث الذي سيتم
بينها وبين صلاح الذي مازال شارداً مع أفكاره مع تركيز الضوء
عليه) ..

ص / المدعي

ايه ده كله ياصلاح .. امال انت بتصرف ايه يا حبيبي علي نفسك
عارفه ياماما .. نفسي اللي باحوشه معاك ده يوصل لمليون جنيه
مليون جنيه مره واحده ؟ ..
ويبقوا شويه كمان علي مهر سلوى ..
تعيش يا بني .. انت عندنا تسوى ملايين .. بس انت شد حيلك
كده وخذ الليسانس بتاعك وساعتها كل حاجه هاتتحل ..
(صلاح يضحك في الفلاش باك في سخرية ويضع صوته في
فراغ عميق) ..

ص / الأم
ص / صلاح
ص / الأم
ص / صلاح
ص / الأم

إظلام تدريجي

غرفة التحقيق

- (يجلس وكيل النيابة وأمامه يقف صلاح في هدوء كامل ويبدو عليه الاستسلام كما تقف الأم بملابس الحداد في مواجهه وكيل النيابة الذي يقلب في بعض الأوراق ثم يوجه حديثه لهما) ..
المتهم يا حاجه في اقواله بيقول انه كان محل ثقه المرحوم وثقتك انتي كمان ..
كان ..
بيقول كمان ان المبلغ اللي اتسرق كان فيه اكثر منه بكثير تحت ايده في يوم من الايام .. الكلام ده صحيح ؟ ..
احتمال ..
حضرتك كنتي بتستلمي منه فلوس المحل بين وقت والتاني ؟ ..
ساعات ..
كان أكبر مبلغ استلمتیه منه قد ايه ؟ ..
٧٥٠ ألف ..
والمبلغ المسروق كام بالظبط ؟ ..
خمسين الف ..
ايه رأيك في الملاحظه دي .. مالفنتش نظرك لحاجه ؟ ..
أنا باتهمه انه هو اللي قتل جوزي .. وهو ده كل اللي عندي ..
طيب اتفضلي امضى هنا ..
- (وكيل النيابة يقدم الاوراق الي الام التي تتوقف وتنظر الي صلاح الذي ينظر لها في مراره) ..
الختم بتاعي معاه .. ولو سمحت أثبت ده في المحضر .. لانه جازي يكون عمل بيه حاجه من ورايا لاجل ما يضيعني أنا والبنيت (وهو يقدم الختامه للأم لأخذ بصمة يدها) هاثبت كل حاجه .. ابصمي هنا لو سمحتي ..
- (بعد ان تقوم بوضع بصمه اصبعها وللمحقق) مطلوب مني شئ تاني ؟ ..
لا .. اتفضلي ..
- (تخرج الام وهي تنظر لصلاح شذراً وتختفي تماماً) ..
(بعد ان ينظر لصلاح لحظه) دي أول واحده طلبت أقوالها كشاهده نفي .. نشوف التانيه .. (ينادي) .. الشاهد التاني باعسكري ..
- (تتقدم سيده نراها للمره الأولى في ملابس وقوره وهي مديرة الملجأ وتدخل وهي تنظر الي صلاح نظرة إشفاق ويبادلها صلاح

وكيل النيابة

الأم

وكيل النيابة

وكيل النيابة

نفس النظره ثم يندفع نحوها ليقبل يدها ويلقي برأسه علي كتفها وهي تربت عليه في حنان وتنظر الي وكيل النيابة وهي تهز رأسها بنفي كل ما تراه أمامها) . .

وكيل النيابة

اتفضلي استريحي يامدام إحسان . .
(صلاح يساعد إحسان علي الجلوس في مكانه الذي أصبح الأقرب لها ثم يجلس القرفصاء بجانبها) . .

وكيل النيابة

هو ده صلاح اللي كان عندك في الملجأ ؟ . .
هو . . بس للأسف كبير . . كبير كتير . .

إحسان

وكيل النيابة

المتهم بيقول انك كنتي دايماً يتشهيده بانمه مثال للأمانه والشرف صلاح عمره ما غلط غلطه زى دى . . عمره . .

إحسان

وكيل النيابة

وهو كان فيه قدامه خمسين ألف وما عملهاش . . المتهم بيحكى عن واقعه حصلت وشايف انها ممكن تساعده . . هل صحيح ان المجني عليه كان علي علم بان صلاح كان نزيل عندكم في الملجأ؟ في يوم . . ومن حوالي خمس سنين . . صلاح جه زارني وكان معاه راجل محترم . . بومها قاللي ان الراجل ده هو اللي عايش عنده وبيعتبر متبنيه . . الراجل ده يوميا اتبرع للملجأ بمبلغ ميت ألف جنيه . . فاكراه كويس . .

إحسان

وكيل النيابة

الراجل ده هو المجني عليه واللى صلاح متهم بقتله . . ده لو كان عملها تبقي أكبر غلطه غلطها في حياته . . غلطه لا يمكن أبداً تغتفر . .

إحسان

(صلاح ينهض فجأة ليواجه إحسان في اعتراض في الوقت الذي تنظر فيه إحسان لصلاح نظرة عتاب) . .

(رافضاً) . . حضرتك تتصورى اني ممكن أقتل . . أنا أقتل ياماما إحسان ؟ . . أنا ؟ . .

صلاح

أكيد فيه ايصال متحرر بالمبلغ اللي أخذتیه من الحاج مختار . . طبعاً . .

وكيل النيابة

إحسان

وكيل النيابة

ممكن تجيبنا صوره من كعب الايصال ؟ . .
(في انفعال) . . النصيبه ان الكعب موجود . . بس للأسف

إحسان

مكتوب في خانة المورد فاعل خير . . موش عارفه ليه ظروفك جت كده ياصلاح . . موش عارفه . . (وتبكي) . .

وكيل النيابة

اتفضلي يامدام . .
(صلاح يمسك بيدها في وداع حزين حيث تخرج من المسرح تماماً) . .

وكيل النيابة

الشاهد الثالث يدخل . .

(تدخل سلوى بملابس الحداد ومازال صلاح في آلامه من الموقف السابق) . .

وكيل النيابة

الآنسه سلوى بنت المرحوم الحاج مختار . .

- أبوه ..
- سلوى
- (وكيل النيابة يشير لها بالجلوس حيث تجلس وهي تنظر الي صلاح في ضيق في الوقت الذي يجلس فيه صلاح دون أى انفعال ملحوظ بالنسبه لها) ..
- وكيل النيابة
- المتهم في أقواله بيقول ان علاقته بيكي تؤكد عدم وجود أى سوء نيه بالنسبه لك علي الأقل ..
- سلوى
- مافيش أى علاقه بيني وبينه علشان يقول حاجه زى كده ..
- وكيل النيابة
- يعني مكانش فيه مشروع جواز ؟ ..
- سلوى
- موش لما يكون فيه تكافؤ اجتماعي بين الزوج والزوجه أولاً ..
- وكيل النيابة
- كمان بيقول ان موافقه معاكي تؤكد نبل العلاقه اللي كانت بتربطه بالاسره وانك شاهده نفي هيستعين بيه في الدفاع ..
- (سلوى تمسح بعض الدموع التي فاضت من عيناها .. لكنها سرعان ما تعادل في جلستها وترمق صلاح بنظرة إحتقار وشماته) ..
- سلوى
- ياقندم كل اللي بيقوله في نظري مجرد قشه بيحاول يتعلق بيها أى غريق .. مش معقول ان قاتل يحب ويخلص لبننت ضحيته في يوم من الايام .. عمليه مستحيله طبعاً ..
- وكيل النيابة
- طيب تفتكرى انه حب يطلعك مره علي سر معين وهو متردد وقلقان .. هو ذكر انه لمحكك بحاجه زى كده ..
- سلوى
- ماافتكرش .. وماحصلش .. ده كذاب ..

إظلام تدريجي

المحكمة

(منصة القضاء خاليه أيضاً ويقف صلاح خلف القفص ووجهه في اتجاه المدعي الذي لا نراه الآن) ..

وحاول المتهم ان ينهي هذا الدور التمثيلي في المكان والزمان اللذان حددهما لكن الظروف تشاء أن ينكشف سره في اللحظة المناسبة ليكون صيداً سهلاً المنال كما كانت فريسته المرحوم مختار ..

(صارخاً) .. انا ماقتلتش ..

أمال مين اللي قتل ؟ ..

ماشفتش ..

المبلغ ودينه فين ؟ ..

صدقوني انا ماقتلتش .. وماسرقنتش حاجه ..

والأدله .. والشهود .. وتقرير الطب الشرعي ..

معقول الظروف وسوء الحظ يبقوا هم الأدله والشهود .. انا

ماقتلتش .. ماقتلتش ..

من أدعي خلاف الظاهر عليه عبء الإثبات .. وانت دلوقت

متهم .. وفيه جريمه .. وفيه دليل .. وفيه شاهد موجود ..

يبقي ايه اللي ناقص .. الحكم ياصلاح ..

ص / المدعي

صلاح

ص / القاضي

صلاح

ص / القاضي

صلاح

ص / القاضي

صلاح

ص / القاضي

إظلام تدريجي

محل مختار

(خلف طاولة المحل يجلس الحاج مختار وهو يقوم بعد بعض الأوراق النقدية ويضعها في حقيبته .. بينما صلاح يقوم هو الآخر بعد بعض الأوراق النقدية أيضاً ويبدو انهم قد انتهوا من هذا الأمر فيقوم صلاح بإغلاق الحقيبة ثم يجلس مرة اخرى ليستريح وينظر في ساعه يده) ..

مختار
اتأخرنا ياصلاح ..

صلاح
لسه بدرى ..

زمان التليفزيون شطب .. وتلاقي الحاجه وسلوى قاعدين ينفخوا الشغل هنسييه لمين ..

مختار

صلاح

الشغل عمره ما بيخلص .. البني آدم هو اللي بيخلص .. (ويبدو أنه قد انتهى من عمله) .. ياللا ياسيدى ادخل اطفى نور المخزن وسك الخزنه) ..

مختار

صلاح
دى فاضيه يا حاج ..

مختار
برضه أفلها موش هايخسر ..

(صلاح يتناول المفاتيح من مختار ويختفي خارج المسرح .. وفي نفس الوقت يهجم رجلان علي وجههما الاقنعه يتقدم أحدهما بمدية يعالج بها مختار في ظهره أما الآخر فيتناول حقيبة المال من أمامه .. في الوقت الذي تنخفض فيه أنوار المحل من الداخل .. ويبدو أن الطعنه أصابت مختار إصابة شديده يحاول معها الوقوف فلا يستطيع) ..

مختار
(مستجداً وهو يسقط ميتاً) .. لا .. لا .. لا .. ياصلاح .. لا ..

(والذي يخرج علي الفور ليجد مختار ملقي علي الأرض بين الرجلين فيمسك بالحقيبة من الذي كان يحملها صارخاً) .. عملتوا ايه يا اولاد الكلب .. عملتوا ايه ؟ ..

مختار

صلاح

(بالحركة البطيئه تدور معركة بين الرجلين وصلاح تنتهي بامسك صلاح بالحقيبة وهروب الاثنين .. ويتجه صلاح نحو مختار في النهايه ليكتشف أمر المديه ليمسك بها مذعوراً ويتراجع من بشاعة ما يرى .. وفجأه أيضاً يضاء كشاف نور بطارية قوى علي وجهه وهو يمسك بالمديه وكذلك بحقيبة النقود وأمامه الجثه .. ويكون خلف هذا الموقف الجندي المكلف بالحراسه ..

انا سمعت استغائه الراجل منك من علي نص كيلو جيت اجرى ..

الجندي

(الجندي يصبو مسدسه صوب صلاح الذي لا يصدق ما يحدث)

إظلام تدريجي

obeyikandil.com

المحكمة

(منصة القضاء خالية أيضاً .. وصلاح يجلس خلف القفص وهو يخفي وجهه وما زال يعايش نهاية المشهد السابق) ..
وهكذا أيها السادة ينتهي بنا الأمر الي كيفية وقوع تلك الجريمة الشنعاء .. هكذا وقد اتضحت كل أبعادها ودوافعها .. والآن .. هل يترك القانون أمثال هذا المتهم الذي جاء من وسط غابات الخطيئه ليشكل خطيئة أخرى بين جنبات هذا المجتمع الطاهر ؟ .. هل سترك دون عقوبه رادعه لأمثاله ؟ .. انني حين أطالب هنا بالقلصاص منه فانني أشدد علي ضرورة الحكم بالاعدام له وهذا أقل ما يريح صدر المجتمع وصدر تلك الأسرة المنكوبه .. وشكراً ..

ص/ المدعي

الدفاع عن المتهم يفضل ..

ص/ القاضي

(من بين الجمهور بالصاله يتقدم الحاج مختار في ملابس الدفاع .. صلاح ينظر الي مختار ولا تبدو عليه الدهشه لكونه دفاعه بل انه ينظر له نظرة المتهم الي من يدافع عنه .. ويصعد مختار الي المسرح ليوجه حديثه الي الجمهور) ..

مختار

حضرات الساده والسيدات .. انني هنا لست بوصفي محام عن المتهم .. بل جئت شاهداً علي ما حدث لانني كنت هناك كما رأيتم .. لذا سأورد لحضراتكم بعض الحقائق التي رأيتموها .. عسى ان يكون فيها دفوعه وبراءته .. أولاً : سمع الشرطي المكلف بالحراسه لفظاً مني لحظه الموت وهو كلمه (لا .. لا ياصلاح) قلتها عالياً .. قلتها مستنجداً به لست مستنجداً منه كما قال رجل الأمن .. ثانياً : ما الذي كان يدعو المتهم للوقوف بجانب جثتي في الفتره ما بين وقوع الجريمة وحضور الشرطي ؟ .. وهنا اسمحوا لي أن أعود الي ما سبق ان ذكره الشرطي من انه كان علي بعد نصف كيلو من مكان الجريمة .. لو ان المتهم قد ابتعد عن مكانها وبنفس السرعة التي وصل بها الشرطي .. فهل كانا سيلتقيان أمام جثتي كما رأيتم ؟ .. ثالثاً : جاء في أقوال السيده مديرة الملجأ الخيري ان المتهم قد اصطحب معه رجل في حكم المتبني له .. ولقد دفع هذا الرجل مبلغ مائة ألف جنيه تبرعاً منه للدار .. ودعونا نتساءل بعيداً وبغض النظر عن اقوال مديرة الملجأ .. نتساءل : هل كان المتهم يعد لجريمه ستقع بعد خمس سنوات ؟ .. ونتساءل أيضاً : هل كان المتهم يسمح لهذا المحسن أو فاعل الخير أن يتبرع بمائة ألف جنيه إمعاناً منه في التخطيط

لجريمته ؟ .. ثم نتساءل أخيراً : وما الفائدة من هذا كله حين وقع في قبضة العدالة الآن ؟ .. رابعاً وأخيراً : جاء في التحقيق ان المتهم كان سيتزوج من ابنتي وهذا ما ورد في أقوال متضاربه بيني وبينها وبين زوجتي .. ونحن هنا نلتمس لهما العذر فلقد هالهما ما حدث لي من جراء تلك الجريمة البشعة .. لقد كان المتهم بالفعل سيتزوج من سلوى وهي الابنه الوحيده لي والوريثه الشرعية أيضاً .. أى أن هناك أضعاف هذا المبلغ كان سيأتي اليه دون ان تراق قطرة دم واحده .. وكان سيصبح – لو كنت علي قيد الحياة – شريكاً كاملاً لي حسب ما جاء في أقوال زوجتي من انه كان محل ثقتي وثقتها والتي كانت بلا حدود .. سادتي .. الكل هنا قد نعت المتهم وقال انه ابن خطيئه .. وكأنها جريمة أخرى يراد بها ان تضاف لجريمته .. واسمحوا لي أن أقول هنا ان الانسان اذا عوقب فلا بد ان يكون العقاب من جتس العمل .. والعمل هنا لا بد ان يكون بفعلته هو .. فهل هو الذى قام بالخطيئه؟ .. ان الله لا يحاسب عبداً علي ما اقترفه الغير .. فانه وكما يعرف الجميع هو العادل الأكبر في ميزانه .. دعونا نتخلي عن علاقة السببيه بين ظروف الفرد وبين أفعاله حتي لا نزهق روح بلا حق وتضيع منا قيمة العدل الذى هو أساس الملك ..

إظلام تدريجي

تجننوني ۰۰ عاوزين تجننوني ؟؟؟ ۰۰ حرام عليكم ۰۰ حرام
عليكم ۰۰ (يصرخ في هستيريا) ۰۰

إظلام تدریجی

obeyikandali.com

المحكمة

(علي منصة القضاء يقف صلاح وهو يقرأ من ورقه طويله للغايبه تمتد الي بداية خشبة المسرح) . .
 بالنظر في قضية مقتل الحاج مختار . . والمتهم فيها المدعو صلاح الدين فتوح . . وبعد الإطلاع علي أقوال الشهود . . واستعراض كافة الأدله والبراهين التي قدمها دفاع المتهم . . وجد انه برئ من كل ما نسب إليه . . وعليه . . فقد حكمت المحكمة ببراءته وإخلاء سبيله وحفظ أوراق القضية لمجهولية مرتكبها الي حين القبض عليهم أو إستيقاظ ضمايرهم وتقديم أنفسهم للعداله . . رفعت الجلسة . .

صلاح

(صلاح وهو يصفق ويصفر كما كان الجمهور في بدايه المسرحيه وينفس الاسلوب المتقطع اسلوب مباريات الكوره : هو . . هو . . براءه . . هو . . هو . . براءه) . .

(فجأة يظهر جميع الممثلين الذين اشتركوا في العرض يحيطون بصلاح ويدفعونه في صرامه نحو قفص الاتهام . . وصلاح بالداخل يبدو بالفعل انه قد أصيب بالجنون وهو يسمعهم وهم ينشدون سوياً في لحن جنازى متصاعد شيئاً فشيئاً ليصل الي نشيد اللثار يدوي في جنبات المسرح) . .

هو ده المتهم . . هو ده اللي قتل . . ازاي ده أصلاً جه هنا . . وازاي ده أصبح مننا . . لازم يتعدم . . لازم يتعدم (تكرار)
 (ينصرف الجميع ويبقي مختار ويتقدم نحو الجمهور ليحدثه في سخرية من صلاح) . .

لجميع

تصوروا حضراتكم ان المتهم صلاح الدين فتوح أخذ براءه من الإعدام ؟ . . أنا شخصياً موش عارف دى حصلت ازاي . . صلاح يطلع برئ وموش هيتشقق !! . . ده كلام ؟ . . (ثم وهو ينظر نحو صلاح) . . عارفين ايه سبب البراءه ؟ . . قال ايه الجدع ده ولا مؤاخذه وبعيد عنكم جميعاً . . إجنن . . والقانون بيقول ان اللي يجنن مايتعدمش . . اللي يتعدم لازم يكون صاغ سليم ويحس بحبل المشنقه . . ويشوف تبرينه عشاوى . . وتبقي آخر حاجه يشوفها . . (فجأة يبكي مختار وهو يتقدم نحو القفص حيث يحتضن الأسياخ الحديدية في الوقت الذي يقوم فيه صلاح بأداء حركات غير مفهومه بداخل القفص) . . معلش ياصلاح . . معلش . . انت اتظلمت كثير . . وجايز جنانك ده هو شاهد النفي الوحيد علي انك مظلوم . . الظلم مستقصدك من البدايه . .

مختار

من ناس لا تعرفهم ولا يعرفوك .. ناس جابوك للظلم وسابوك
 .. وبعدين اتظلمت من ناس تانيه تعرفهم .. وللأسف عمرهم ما
 عرفوك .. وبين اللي تعرفه واللي ماتعرفوش فيه حقيقه واحده
 لا بد تعرفها .. حقيقه اسمها الموت .. الكل هايموت .. لكن
 الظلم هايفضل باقي .. لحد آخر بني آدم ما يموت .. ساعتها
 بس الظلم هايموت .. لان اللي اخترعه أخيراً .. وبعد ظلم
 طويل .. مات ..

إظلام تدريجي مع نزول الستار

المداولة الثانية

شرف القتل


المنظر

(خلفية المسرح ستارة بيضاء عليها الكثير من بقع الدماء وكذلك آثار بصمات لبعض الأيادي بلون الدم أيضاً ٠٠ وفي الوسط صورة زفاف لفتاة في بداية سن المراهقه ٠٠ وخشبة المسرح بها ثلاث ديكورات :

الأول : من يمين المسرح (منزل الأم) وهو عباره عن هيكل لمنزل ريفي من الداخل وأمام الباب توجد (المصطبه) الشهيره لمثل تلك المنازل ويتوسط المنزل سرير عتيق ٠

الثاني : من يسار المسرح (منزل الأب) وهو عباره عن هيكل أيضاً لغرفه تتوسطها طاولة عليها زجاجات الخمر وما شابه ذلك أما الثالث : وفي الوسط نرى شيزلونج كبير وأمامه مقعدان شرقيان من الجلد ونشعر من خلال الديكور هنا بالتريف يحيط بالمكان الي حد ما ٠

نلاحظ أن هناك طريق يربط الديكور الأول بالديكور الثاني وكذلك طريقان يربطان بين الثالث والأول والثالث والثاني ، أى أن الديكور الثالث هو رأس المثلث لتلك الديكورات ٠٠



(مع إظلام الصاله تتركز الاضاءه علي اللوحه الزيتيه للفتاه في
 ملابس الزفاف ونسمع زغاريد (وكأنها صراخ) ودقات الطبول
 في همجيه وكذلك صراخ الفتاه في عنف . .

ص/ فساء يغنين

بيضتي الشاش . . يا عروسه . .

حلقك رشاش . . يا عروسه . .

.....

قولوا لأبوها ان جعان يتعشى . .

وان كان شبعان يفرح ويروح يتمشى . .

عرضه إتستر واللي يحبه اتنهني . .

واللي يعاديه تندب في عينه مقشه . .

المشهد الأول :بيت المخدوم

(تنسحب هذه الأصوات بعيداً .. ثم تضاء منطقة الوسط لنرى تلك الفتاة - صاحبة الصورة - في ملابس ريفيه تمسك بيدها (مقشاه) وتقوم بتنظيف المكان في شئ من الاقبال والسعاده)

..

قولوا لأبوها ان كان جعان يتعشى ..

(الفتاه (تغني)

(يدخل المسرح شاب وسيم جلسه دون أن تراه الفتاه إذ يفاجأها بلكره في خصرها فتصرخ خائفه وحيث تتعرف عليه وتقوم بحركه " البصق في صدرها " قبل ان تتحدث وتعبر عن عتابها له) ..

اتخضيتي ؟ ..

الشباب

ودى طريقه برضه يابيه تدخل علي بيها ؟ ..

الفتاه

أمال عاوزاني لما ادخل اعمل ايه ؟ .. أقول إحم انا وصلت ..

الشباب

ولا أقول دستور ياناس ياللي هنا ؟ ..

(تنظر له في تحدى ثم تعاود عملها في عنف ويبدو عليها الضيق الشديد منه لتثار الأتربه في وجهه من المقشاه) ..

ايه يابت .. موش تحاسبي ؟ ..

الشباب

ياريت انت اللي تحاسب ..

الفتاه

أحاسب علي إيه ؟ ..

الشباب

علي نفسك .. لا تتبهدل ..

الفتاه

(وهو يجلس علي الشيزلونج في استرخاء وينظر لها في تفحص) عيبك ان كلامك زى الدبش .. حاولي تحسني ملافظك شويه وتندردحي ..

الشباب

(الفتاه لا تجيب وتلقي بالمقشاه وتهم بالتنظيف بالقوطه الصفراء وهي تنظر الي بعيد) ..

كلامي مش مفهوم ولا ايه .. يابت احنا عاوزين نفهم بعض ونقرب من بعض .. معقوله ابقى انا وانت في بيت واحد وبقي لنا أكثر من اسبوع ولسه ماحصلش ؟ ..

الشباب

(الفتاه لا تفهم ما يرمي اليه وهي تجمع أدوات النظافه استعداداً للمضى) ..

انا باكلم هيروغليفي .. ردى علي كلامي ..

الشباب

موش فاهمه حاجه منك ..

الفتاه

انتي فاهمه ..

الشباب

وشرفك ما فاهمه ..

الفتاه

منزل الأب

(منزل الأب الذي نرى زوجته اللعوب تجلس الي الطاولة تلاعب
نفسها بالورق وهي في حالة من الانسجام .. حيث تدخل الفتاه
من الباب المفتوح لتحدثها في تودد واستعطاف .. وتلاحظ
ورقه ملقاه علي الارض تحملها وتقدمها لها في حذر شديد) ..

مساء الخير ياامرات ابويا ..

(في دون اهتمام) نعم ؟ ..

أبا

ماله ؟ ..

أبا هنا ؟ ..

عشان ..

عاوزاه ..

وانا ماانفعلش ..

(تحاول التملق باهتسامه باهته) ازاي .. ده انتي الخير والبركه

.. بس اني يعني زي ما تقولي كده .. محتاجاه في موضوع

خصوصي ..

خصوصي ؟ ..

أيوه .. مايتقالش ..

ولما هو مايتقالش .. هاتقوليهوله ازاي ؟ ..

مهما كان الأمر .. الأب لازماً يتحمل .. أمال هو اتخلق لاجل

ايه ؟ ..

(وهي تعود للعب بالورق دون اهتمام أيضاً) أبوكي موش شايلاه

بقاله كام يوم ..

(في ألم) .. مسافر ؟

علمي علمك ..

كان نفسي يكون هنا لاجل ما ينجدني ..

ينجذك من ايه ؟ ..

(في استسلام) من الشغلانه اللي أني فيها ..

مالها الشغلانه ؟ ..

سيدي الصغير ..

ماله .. ضربك ؟ ..

ياريت ..

شتمك ؟ ..

ياريت ..

الفتاه

زوجه الأب

الفتاة

زوجه الأب

الفتاة

زوجه الأب

الفتاة

زوجه الأب

الفتاه

زوجه الأب

الفتاه

زوجه الأب

الفتاة

زوجه الأب

الفتاة

زوجه الأب

الفتاة

زوجه الأب

الفتاه

زوجه الأب

الفتاه

زوجه الأب

الفتاه

زوجه الأب

الفتاه

- طردك ؟ ..
 كان يبقي أرحم .. اقله كلاب الشارع الناس شايفها وعامله
 حسابها .. لكن كلاب البيوت النفر منا مايعرفش سعرتها امتي
 هاتيبي ..
- زوجہ الأب
 الفتاہ
- (تضحك ضحكه عاليه) ايه الكلام المستغطي ده يابت .. كلاب
 الشارع ايه و كلاب بيوت ايه .. ماتفهميني ..
 كلاب الشارع لا يمكن تعض إلا لواحد أذاها .. لكن كلاب
 البيوت بتعض من غير أذيه .. (فجأه) .. أني عايزه أبا ..
 وأنا اجيبهولك منين ؟ .. دورى عليه .. ولو لقتيه ابقى قوليله
 اني انا كمان عايزاه .. مستنياه علي الغدا .. علي العشا ..
 المهم انه ييجي والسلام .. مع السلامه ياغندوره ..
 (الفتاه تنظر للمرأة وهي تهز رأسها بالاسف لكل ما تسمعه في
 حسرة واضحه ثم تمسح دموعها في مراره وتمضى للخارج
 حيث يظلم منزل الأب) ..
- زوجہ الأب
 الفتاہ
 زوجہ الأب

إظلام

منزل المخدوم

(يسلط الضوء علي الفتاه ويصاحبها الي مقدمة المسرح حيث منزل الشاب الذي يضاء شيئاً فشيئاً وينتهي الأمر بأن تجلس الفتاه حزينه بالارض وتلقي برأسها علي إحدى المقاعد في ألم وحزن)

دى تالت مره أروح لأبويآ .. وعاشر مره مآلقاهوش .. أنا عايزآه يعرف .. لكن مين اللي هيعرفه .. مرته ؟ .. مرته لا يمكن هنقوله .. وتقوله ليه وهي مش عاوزة مزآجه يتعكنن .. ولا جايز بتخاف عليه لآيجرآله حآجه .. طيب وآيه يعني لآما يجرآله ؟ .. موش آحسن مآ يجرآلي آني ؟ .. (لحظة صمت)
 .. لآ .. حرام .. وآلف بعد الشر عليه .. ده آني عندى أموت لآجل مآهو يعيش .. بس نفسي آشوفه .. نفسي .. نفسي ..
 (ينادى من الخآرج فجآه) .. آنتي يآبت .. آنتي فين ؟ ..
 (يدخل المسرح ليرآهآ جآلسه دون أن تكثرث لقدمه) .. آيه .. نآيمه ؟ .. آذا كنتي نآيمه بيقى كويس .. وآذا كنتي عآمله فيها نآيمه بيقى كويس الكويس .. يآسلام علي الكويسآت لآما تبقي سآكته .. (ويقترب منها أكثر لكنها فجآه تقف لتواجهه في تحدى) .. فيه آيه ؟ .. (ثم يغير من لهجته) .. آنتي كنتي فين ؟ .. قولي لي كنتي فين ؟ ..

ص / الفتاه

الشاب

الفتاه

الشاب

الفتاه

الشاب

(مستكراً) .. آنا عاوز أفهم آيه حكاية المكوجيه دول .. همآ دآيمآ مستقصدي .. ولآ تكونيش آنتي كمن بتحبى الصنف ده وعاوزة تتجوزيه ..

الفتاه

الشاب

هو فيه حد كمن هنا وآتجوز منهم ؟ .. كل وآحده بتبجي بتبقي معجبه بيهم .. مسآفه مآتربط معآهم تتآهل عدل وآنا آتفرقع ..

الفتاه

الشاب

مآتخآفش .. لسه بدرى علي السهرآيه دى .. (وحين تنهض الفتاه وتمضى خلف الآريكه وتتآول سله مهملات وتتجه نحو البآب فيستوقفهآ ممسكآ بذراعها) ..

سآيبآني ورايحه فين ؟ ..

الفتاه

الشاب

آرمي الزبآله ..

سآيبك منها دلوقت ..

- شوفي انتي تقولي وهبتك نفسى ٠٠ وانا اقول قبلت ٠٠
 قبلت ايه ؟ ٠٠
 قبلت اتجوزك ٠٠
 من غير مأذون ؟ ٠٠
 هو المأذون يفهم في المسائل دى قدى ٠٠ ده انا استاذ ٠٠
 والحاجات دى إتعلمتها بقي في المدرسه ولا في القهوه اللي
 بتروحها ؟ ٠٠
 أولاً انا مش في مدرسه أنا في كليه ٠٠ ثانياً انا باروح كافيه نت
 مش قهوه ٠٠
 ياسلام يا اولاد ٠٠ العلام حلو صحيح ٠٠ (وفجاه) ٠٠ اسمع يا استاذ
 انت اني هادعيلك ان ربنا يهديك لاجل ماتعتقني من حكاويك دى
 (الفتاه تقف في محاوله للابتعاد عنه لكنه يقف في مواجهتها)
 ٠٠
 طيب ايه رأيك نخليها رسمي ٠٠ نكتب علي بعض يعني ٠٠ انتي
 تكتبي ورقه تقولي فيها انك مراتي ٠٠ وانا اكتب ورقه اقول فيها
 اني جوزك ٠٠
 وهو آني لو كنت باعرف اكتب ولا اقرا كان ده بقي حالي ؟ ٠٠
 أكتبهالك انا ياستي ٠٠ ونحط ورقتي علي ورقتك ونشبههم في
 بعض ونقوم رامينهم في البحر بعد ما نلفهم في منديل أبيض في
 أبيض ٠٠
 (في تهكم) ٠٠ وكمان منديل أبيض في أبيض !! ٠٠
 موش عرسان ٠٠ ياريت تصدقي إني باحبك ٠٠ ياريت ٠٠
 المسامح كريم يابيه ٠٠
 المسامح كريم ؟ ٠٠
 اعقل بقي ٠٠ اعقل وسيبك من السهر ايه دى ٠٠ يمين بالله ده
 شيطان ٠٠ شيطان راكبك والله ٠٠ شيطان ٠٠
 (الفتاه تمضى مسرعه وهي تلتقط سلة المهملات وتمشى بها
 الي الخارج في اتجاه الديكور رقم " ١١ ") ٠٠
 (يركض خلفها) ٠٠ استني عندك ٠٠ استني ٠٠ أنا مأذون
 وعاوز اتجوزك ٠٠ استني ٠٠

أمام منزل الأم

- (نرى الأم وهي تجلس علي المصطبه وتقوم بغزل شال كبير ..
وتدخل الفتاة وترتمي في أحضانها) ..
وحشاني يامه .. وحشاني ..
عامله ايه ؟ ..
عامله ايه ؟ ده أنا ياما قعدت ابكي وافتكرك واقول فين هي لاجل
ما اشتكيلك وجيعتي .. (فجأه) .. وياما كنت احلم اني باز عقلك
وباخانقك واقول للناس محدش يحوشني .. (الفتاة تنهض
معرضه) .. ازاي يامه تسبيني .. ازاي تنسى ان ليك بنت
محتاجه لك .. محتاجه لأم تسأل عنها .. آني في اول الامر
كنت عاذراكي عشان الراجل الغريب اللي اتجوزتیه .. لكن
دلوقت ..
(مقاطعه) .. المهم أخبارك ايه ؟ ..
لغاية دلوقت بخير .. (تغير لهجتها لشعورها بالبروده) .. ما
تقومي بينا ندخل في الدفا ..
عمك نايم ..
نقعد في المطرح الثاني ..
صوتنا يصحيه .. قوليلي .. انتي سبتي الشغل ؟ ..
(الفتاة تعود وتجلس بجانب الأم وتتناول طرف الشال الذي بيدها
لتتحف به من البروده) ..
(التي لاحظت صمت الفتاة) .. مابتريش يعني ؟ ..
آني ماسبتش الشغل .. آني هربت منه .. نفذت بجلدى .. اللي
شفته هناك خلاني أشمع القتله وأخلع في أول قطر يقابلني ..
(في إزدراء) تخلعي وتشمعي !! .. مين يابت اللي علمك الكلام
اللي مالوش طعم ده ؟ ..
الشغل ..
أنا وابوكى سلمناكي لبيت طيب .. موش لحارة عوالم ..
العوالم أشرف ..
أخرسى ياقليلة الحيا ..
خرست كثير ومن حقى بقى أنكلم .. نفسى أفضفض ياناس ..
نفسى اقول فيه ايه ..
(مقاطعه) رحتي لأبوكي ؟ ..
كل ما اروح مالاهاوش ..
عنه ما اتلاقي .. انتي عاوزه ايه دلوقت ؟ ..
- الفتاه
الأم
الفتاه
الأم
الفتاه
الأم
الأم
الفتاه
الأم
الفتاه
الأم
الفتاه
الأم
الفتاه
الأم
الفتاه
الأم

- عايزاك تقوليهاالي يأمه من غير خشا .. انتي لسه أمي ولا آني
جايه لواحد غريبه ؟ ..
- (الأم تسحب الشال من الفتاة في عنف وتقف في ضيق شديد
وهي تنظر للداخل لتطمئن علي عدم وجود أحد يتسمع عليها من
الداخل) ..
- طول عمرك زي ابوكي لسانك متبرى منك .. فيه بنت متربيه
تقول الكلام ده ؟ ..
- (في بكاء) باقولك يأمه اني هربت .. طفشت .. محتاجه
لصدر حنين يضمني بدل الفضيحة اللي هاتفضحها ..
- (في انزعاج) يامصيبتك السوده ؟ او عي يابت تكوني سرقتي
حاجه منيهم ؟ ..
- اني عمرى ما كنت حراميه .. وديلي أظهر من آني أعملها ..
- أمال طفشتي ليه ؟ ..
- ديلي كان هايتجس ..
- يتجس ؟ ..
- سيدي الصغير ..
- ماله ؟ ..
- (في تلثم) .. كان ..
- كان ايه يابنت .. انطقي ..
- كان .. كان بده يتجوزني ..
- (الأم وهي تلقي بالشال وتضحك في سخرية وتلف حول نفسها
لعدم تصديقها ما تقوله الفتاة التي تنظر لها في دهشه وذهول)
..
- موش مصدقاني يأمه ؟ ..
- (بعد ان تتمالك نفسها) .. ليهم حق يطردوكي ..
- يطردوني ؟ ..
- أيوه .. علشان كلام المجانين اللي بتقوليه ده .. بصى لنفسك فين
وبصى هو فين .. عموماً روجي ارجعي شغلك .. وانا هابقي
أجى اشوف الحكايه دى ..
- لاجل خاطرى يأمه بلاش ..
- هتروحي ولا أصحي عمك ياخذك بيده يوديكي علشان مالكيش أب
قادر يكسرك ..
- (في خوف) لا يأمه بلاش .. خللي الطابق مستور .. أنا
هاروح بنفسى .. فتك بعافيه ..

منزل المخدوم

- (مع إظلام الديكور تدخل الفتاة في حزن ويأس وتصطدم بالشاب
الذي يركع أمامها في توسل تمثيلي) ..
- الشاب : ارحميني بقي .. كفايه .. احنا الاتنين مالناش غير بعض .. انا
بحبك .. بحبك .. ياريت تفهمي يعني ايه بحبك ..
- الفتاة : النصيبه فاهمه .. فاهمه انها كلمه بدايتها هنا .. (تشير الي
الشيزلونج) .. واخرتها هناك .. علي الرصيف ..
- الشاب : فيه راجل ينيم مراته علي الرصيف .. ليه هو مفيش سرير ؟
الفتاة : (في حده) انت مش جوزي .. ولا انا مراتك .. ولآخر مره
باقولك بعد عني ..
- (الشاب يقف في ضيق ويشيح بوجهه عن الفتاه في أداء تمثيلي
أيضاً) ..
- الشاب : مافيش فايده .. كنت فاكرك بتحبييني قد ما باحبك .. كنت فاكرك
ان موافقتك علي جوازنا في السر تشجيع لي علشان أخلص
جامعتي وأعلن جوازنا قدام الناس .. وعلي فكره .. صاحبي
الكناس اللي قتلتك عليه ده انا مجربه .. صدقيني ماتخافيش ..
- الفتاه : (مقاطعه) .. بطل كلام فارغ بقي واحترم نفسك .. انت ايه ؟
.. مابتخسش ؟ ..
- الشاب : شويه .. بس انتي الظاهر مابتحسيش خالص ..
الفتاة : (وهي تبتعد عنه في خوف) .. عارف لو قربت مني هاصوت
وألّم الدنيا عليك .. واقول للخلق كلها علي حكايتك وحكايه
صاحبك الكناس ..

إظلام

منزل الأب

- (يضاء الديكور هنا حيث يقف الأب أمام زوجته الجديده ويبدو
منكسراً أمامها وهي تتطلع له في سخرية) ..
أنا يا أخويا موش قاعده هنا لاجل ما استلقي المراسيل منك ومنها
.. شوفلك صرفه .. أنا طهقت ..
هو أني اللي باقولها تيجي ؟ ..
ماقلتش .. بس في يدك تقولها ماتجيش ..
حاضر .. هاقولها ..
خللي بالك البنيت دى لو جاتني هنا تاني لا انت ولا هي هاتعتبوها
واروح فين ؟ ..
روح مطرح ما بتروح .. خليك في الخماره نام فيها تبقي عملت
مصلحه .. هو انا متجوزه ولا حاسه ان فيه راجل معايا في
البيت ؟ ..
ليكي علي لما اروح أول الشهر آخذ النقديه هانبه عليها ماتهوبش
الناحيه دى .. مبسوطه ؟ ..
أول الشهر لما الحبايب تتجمع مع بعضيها ..
حبايب مين ؟ ..
مراتك القديمه .. أمها ..
وأنى مالي ومالها .. دى واحده بتروح لاجل ما تتحصل علي
نصيبتها هي التانيه ..
المثل بيقول القديمه تحلي ..
بقي اللي معاه القمر .. يبص في وش اليوم .. ده كلام !! ..
(أخيراً يتجه نحو الباب للخروج) ..
- زوجة الأب
الأب
زوجة الأب
الأب
زوجة الأب
الأب
زوجة الأب
الأب
الأب
زوجه الأب
الأب
زوجة الأب
الأب
زوجة الأب
الأب

إظلام

أمام منزل الأب

- (حين يمضي الأب للخارج يلتقي أمام المنزل مع الفتاة التي
تجري نحوه وتمسك بيده وتقبلها في خوف) ..
فتاة فينك يا أبا .. جتلك كتير وما بلا قاكش ..
الأب فيه ايه يابت ؟ .. عايزه ايه ؟ ..
الفتاة خايفه يا أبا .. خايفه لبنتك تبقي سبب الطين اللي ها يحط علي شالك
الأب .. وراسك تطاطي وسط الرجاله ..
الفتاة (يصفعها في قسوه لتسقط علي الأرض عند قدميه باكيه وفي
لهجه صارمه) .. منك انتي شالي ها يجيله الطين يا فاجر ..
الأب عيله ايه انتي لاجل ما تعرفي الكلام ده ؟ ..
الفتاة الكلام ده عرفته بدرى صحيح .. بس ما بيدش حيله .. شوفلي
مكان تاني يا أبا اشتغل فيه .. خدني عندك خدامه لمترك حتي لحد
ربنا ما يسهلها .. خدني يا أبا ..
الأب موش قادر اصدقك .. موش قادر .. معقوله عقلك يستف الكلام
ده كله ؟ .. (ثم بعد لحظة صمت) .. يكونش يابت لبكلام ده
اتعلمتية من التلافزيون عند أسياذك ! .. (فجأه) .. اسمعي
.. آني ها جيلك واحقق في السهرايه دي .. ووالله في سماه لو
طلعتي كدابه لاكون قاتلك وشارب من دمك .. فزى قومي علي
هناك ..
الفتاة أرجلهم تاني ؟ ..
الأب أيوه ترجيلهم وتقوليلهم يسامحوكي .. ياللا ..
الفتاة (تنهض منكسره ةتتقف لتواجه الأب بنظرات عتاب وأسف)
الأب ماتعوقش يا أبا .. أحب علي يدك ماتعوقش ..
الفتاة قلتك روعي وأني جاى ..

إظلام

منزل المخدوم

(يضاء الديكور هنا حيث يقف الشاب ينتظر قدوم الفتاة التي

تدخل بالفعل فينصرف الي قراءة كتاب بيده) ..

(دون اكتراث بالفتاة) .. بالمناسبه .. مافيش حد في البيت ..

كلهم خرجوا ..

يعني أني وانت دلوقت وحدينا ..

حببت أديك فكره .. جايز الحكاية دي تريحك وتخليكي تشاوري

عقلك ..

أخرس ..

خرسنا .. ولو جدعه ماتناميش الليله .. لأنني بصراحة كده ..

موش ناوي علي خير .. ماشى ؟ ..

الشاب

الفتاة

الشاب

الفتاة

الشاب

إظلام

منزل الأم

- (يضاء الديكور حيث الأم التي تجلس بجانب زوجها الذي يجلس
 في استرخاء وهيام) ..
 (في دلال) انت هاتفضل قاعد جارى كده علي طول ..
 عاوزاني أعمل ايه ..
 ولا حاجه يا أول بختي ..
 صدق الكلمه دي ..
 صدق .. وانت ؟ ..
 الرجل مننا لما يعشق الحرمة يبقى علي الدنيا السلام .. وأناي
 عاشق .. غرقان في العشق لشوشتي ..
 والعاشق مايسبش وليفته تشوف حالها ..
 برضه مصممه تروحي لبنتك بكره زى ما بتقولي ..
 عاوزه أروح لاجل ما أبطل حجتها واعقلها .. وبالمره أجيب
 الشهرية ..
 (في ضيق) .. الشهرية اللي بيقاسمك فيها المحروس ..
 هاعمله ايه .. كل ما تيجي السيره يقولي زى ماهي بنتك بنتي انا
 كمان ..
 إلهي يجيله خابط ..
 (في دلع) .. الخابط جاله من يوم ما ظهرتلي ياسبع الليل ..
 (ثم وهي تنهض) .. أروح أقفل الباب وأجي ..
 بسرعه ياسنيوره ..
 (المرأه تنهض وتتجه نحو الباب لتفاجأ بالفتاة أمامها فيبدو
 عليها الضيق) ..
 تاني جيتي ياوش النحس .. أني مش قلتك جياالك ..
 صدق يأمه .. صحيح كنتي جياالي ؟ ..
 عاوزاني أجيلك وش الفجر ..
 وش الفجر ده ايه .. الليل لسه في أوله ..
 خلاصة الكلام .. نعم ؟ ..
 محتآلك يأمه ..
 ما قلتك جياالك ..
 الوقت بيجرى بي ..
 ياريتة كان قطر سكه حديد ويدوس علي رقبتك ..
 ياريت .. ياريت لاجل ماترتاحوا كلاتكم ..
 بطلي دوشه واتفضلي روعي .. والصبح آني جياالك ..
- الأم
 زوج الأم
 الأم
 الفتاة
 الأم
 الفتاة
 الأم
 الفتاة
 الأم
 الفتاة
 الأم
 الفتاة
 الأم
 الفتاة
 الأم

فارقيني بقي ..
(في إنكسار) .. حاضر .. هافارقك ..

الفتاة

إظلام

obeikandil.com

منزل المخدوم

- (يضاء الديكور ويظلم المسرح كله حيث تدخل الفتاة ويستقبلها الشاب فاتحاً ذراعيه . . الفتاة تنظر حولها فلا تجد أحداً خلفها)
 قللتك البيت فاضى . . وانا فاضى . . وللأسف موش قادره تفهمي . . بالذمه أنا مش أحسن من اللي بتروحيلهم . . أنا هاديكي الحنيه علي أصولها . . هابسطك وأدلعك . . ومن هنا ورايح موش هاخليكي تعملي جنس حاجه وحدك . . هاكنس معاكي . . وامسح معاكي . . وأغسل معاكي . . ايه رأيك . . ياللا . .
- (وهي تنظر له في استسلام وتحطم وتندفع نحو الشاب وتلقي بنفسها بين أحضانه . . ثم ها هي تطعنه بخنجر في يدها في ظهره ليسقط فتيلاً) . . ياللا . .
- (وهو يعاني من سكرات الموت) . . كنت فاكر ان مفيش قدامك ولا بديل . . لحد ما اخترتي البديل اللي عمره ما جه علي بالي . . دلوقت الزباله دى مين يشيلها . . فين صاحبك الكناس عشان يكنس . . فين هو . . فين . . (تبكي وتسقط أرضاً) . .
- (يدخل الأب كما تدخل الأم ويقتربان من الفتاة التي تجلس القرفصاء بجانب جثة الشاب وهي تعاني من رجفة أصابتها وشئ من الهستيريا) . .
 قتلتيه ؟ . .
 ده أول واحد . .
 والتاني هايكون مين انشاء الله ؟ . .
 (وهي ترمقه بنظرة إحتقار) كل زبال يشبهله هاقتله . .

اظلام تام بالمسرح ويسلط ضوء مركز علي اللوحه الخلفيه

- حكمت المحكمه حضورياً علي الطفله المتهمه في جريمة قتل مخدومها الشاب بإيداعها دار الإصلاحيه لعدم بلوغها السن القانوني لقيام الدعوى الجنائيه ضدها . . رفعت الجلسة . .
- (يضاء المسرح كله ونرى الفتاة وهي تقف مرفوعه الرأس قوية وشامخه) . .
- قلت لفضيله القاضى قبل ما يحكم . . لو كان حصلي اللي البك

كان عايزه .. ياترى كان هايتقام عليه الحد زيي ويتحاسب علي
 عملته .. ولا الميه عمرها ما تطلع في العالي .. ماسمعنيش
 لانه ماحصلش .. الظاهر كان لازم اضيع لاجل ما يسمعني ..
 ولو سمعني وقال فين الدليل بعد الكناس ما يكنس كنت هاعمل ايه
 .. مكانش هيبقي قدامي ساعتها غير اني أقتل نفسي ولا أمشي
 في سكه بطاله ينهشني كل كلب بنيابه .. ويحاوط علي كل ديب
 بالأعيه .. وتتوه حقيقه بنت دافعت عن شرفها وشرف ناس في
 الاصل مايشرفوش ..

ص/ النساء يغنين قولوا لأبوها ان كان جعان يتعشى .. الخ

إظلام تدريجي مع نزول الستار

المداولة الثالثة

المداولة بعد الحكم أحياناً

المنظر

قاعة المحكمة يسودها الظلام ورغم ذلك نتبين في ضوء خافت هذا الديكور :

(١) من يمين المسرح : منصة القضاء التقليديه ذات الثلاث مقاعد في المنتصف ثم في أقصى اليمين مقعد ممثل الأعداء .
(٢) من يسار المسرح : مقاعد الجماهير ذات مستويين :

أ- المستوى الأعلى به مقاعد فخمه ومزينه بشكل يوحي بزينة أعياد الميلاد للأطفال ونلاحظ يافظه كتب عليها (الناس الغلابه)
ب- المستوى الأدنى ليس به مقاعد علي الاطلاق ومغطي بطبقه من الخيش ويبدو الشكل العام لهذا المستوى بسيطاً وفقيراً الي أبعد الحدود حتي اليافظه التي تعلوه عباره عن ورقه ممزقه كتب عليها (الناس المفترية) .

(٣) في منتصف المسرح : قفص الاتهام وهو عباره عن قفص عصفور كبير يتسع لرجل ان يجلس به بل ويقف أيضاً وما يتبع ذلك من حركة لأداء الممثل بالمسرحيه .

المشهد الأول :

(يتقدم المتهم وهو مكبل بالأغلال ومن خلفه الجندي الذي يمسك بلمبه جاز وعصا كبيره ليسطع الضوء في جنبات المسرح ..
المتهم رجل رث الثياب رقيق الحال ولكن تبدو عليه علامات القوة والذكاء .. أما الجندي فيرتدى ملابس السهره "
الأسموكن " وهو رجل مسن في حاجه لمن يأخذ بيده ..
ورغماً من ذلك يحاول ان يظهر سيطرته علي المتهم الذي ينظر له في عطف وشفقه) ..

خشش يامزور .. يامجرم ياللي اسمك بلاص .. خشش علي القفص ..

بألراحه علي نفسك ياشاويش .. لا بعدين تفك .. بألراحه .. خشش ..

أفتحلي وأنا أخش ..

خد المفاتيح أهه .. افتح واقفل علي نفسك .. وبعدين اديهوملي

فين هي المفاتيح ؟ ..

ياأخي أصبر لما أريح شويه .. هو مافيش حلم ..

(يجلس الجندي أرضاً ويعبث في جيوبه بحثاً عن المفاتيح) .. آجي أساعدك ..

تساعدني .. قالولك عليه أكتع ولا مكسح ولا مكحكح ..

(يسعل) .. الصحه عال والحمد لله .. والقوه ماتقولش عليها ..

احنا اللي قالوا علينا بنجيب التايهه .. ونعدل المايله .. (فجأه)

.. ميل ياللا وخذ بايدي خليني أقف .. وقفت الميه في زورك ..

(المتهم يساعد الجندي في الوقوف حيث يبدو ان الجندي وجد

المفتاح أخيراً في إحدى جيوبه ويقبض ببيجه بشدة علي شئ ما)

أهه .. ياما انت كريم يارب ..

هات ياشاويش ..

(الجندي يفتح يده الفارغه ويقذف في الهواء بما داخلها) ..

ألقف بقي .. ألقف ..

(في ضيق) ألقف ايه ؟ ..

المفتاح ..

أنهي مفتاح ؟ ..

كده ضيعته ؟ ..

انت كان في إيدك حاجه ؟ ..

مش شفتني وأنا باحدفه ..

ايه اللي حدفته ده ؟ ..

- س سؤال .. باب القفص عشان يتفتح موش لازم يكونله مفتاح ؟
مضبوط ..
وأنا قعدت أدور عليه قدامك ..
حصل ..
وبعدين قلتك ألقه ...
تمام ..
تبقي خدته وديته فين ؟ ..
يا عالم .. انت عاوز تجنني ؟ .. حرام عليك يا أخي .. موش
كفايه النصيبه اللي انا فيها .. عايز تلبسني تهمة تانيه .. ده أنا
عندي كوم عيال ..
عارف عقوبة سرقة مفتاح القفص قد ايه ؟ ..
لا ما عرفش ..
بتاع يبجي متين سنه ..
متين سنه ؟ ..
ده علي الأقل .. أدخل القفص ياللا من غير مفتاح لحد ما نلاقيه
ونبقي نفتحه من أول وجديد .. خش ..
(المتهم يتقدم نحو القفص ويحاول برفق ان يفتح الباب الذي
ليس له قفل ولا مفتاح أصلاً فتبدو عليه الدهشه) ..
ايه رأيك بقي ان القفص لا له لاقفل ولا مفتاح ..
ومين قالك انه بيتسك من أساسه .. انت هاتدعي علي شئ
ماحصلش ؟ ..
انا هادعي !! ..
عارف عقوبه اللي يدعي علي الشاويش تبقي ايه ؟ ..
خمسيت سنه ؟ ..
لا .. حبس انفرادي لغاية الوريث الثالث ما يموت أو تجيله داهيه
تشيله ..
أحسن حاجه ان الواحد مايفتحش بقه نهائي ..
واللي مايفتحش بقه هنا يعاقب بالاعدام ..
(المتهم يفتح فمه في بلاهه في محاوله أن ينجو من مثل هذه
العقوبه) ..
واللي يعمل كده يبقي أهيل ..
بسيطه .. دي نتحملها ..
عقوبة الهيل عندنا خمسين جلده الصبح وخمسين زيهم قبل النوم ..
طيب قوللي أعمل ايه انا في عرضك ..
اللي يقع في عرض الشاويش عقوبتها ..
(يقاطع الجندي بشق جلبابه الي المنتصف تقريباً وفي جنون)
مرتاح كده ..

الجندي

المتهم

برضه لها عقوبه في القانون ..
عقوبه ولا موش عقوبه .. أنا بقي فقدت .. ولا عاد هاممني
شنق ولا جلد .. انت عاوز مني ايه يراجل انت ؟ .. عاوز مني
ايه ؟ ..

الجندى
المتهم

(المتهم يفتح القفص ويتقدم نحو الجندى في توعد في الوقت
الذى يتراجع فيه الجندى للخلف الي أن يختفي ونهائياً من
المسرح .. ليفاجأ المتهم بظهور المحامي الذى يواجهه في
تحدى وقوه) ..

أنت المدعو بلاص ؟ ..

المحامي

أيوه أنا ..

المتهم

ايه العمائل السوده دى اللي عاملها مع الشاويش ..

المحامي

تبقى مين بسلامتك ؟ ..

المتهم

أنا المحامي بتاعك يا حبيبي .. انا اللي المحكمه جابتني علشان
أدافع عنك لأنك فقير ومش لاقى تاكل .. وبالأماره صايغ وضايغ
ومالكش ضهر يسندك .. صح ..

المحامي

كل اللي سيادتك قلته صح ماعدا حاجه واحده ..

المتهم

اللي هي ؟ ..

المحامي

إني صايغ ..

المتهم

قوللي .. بتشتغل ايه ؟ ..

المحامي

ولا حاجه ..

المتهم

تبقى ايه ؟ ..

المحامي

مش ذنبي اني موش لاقى شغل ..

المتهم

شوف يا بلاص .. (يتوقف فجأه) .. الأول حاول ترجع القفص
بسرعه لبعدين تدخل في قضية ثانيه غير قضية التزوير اللي انت
زورته في اسم إبنك ..

المحامي

أنا لا مزور ولا مجرم ولا أى شئ من اللي انت بتقوله ..

المتهم

لأ .. انت مجرم ومزور وقررى كمان .. بقي تعمل اللي عملته
ده وتقولى موش مجرم .. لأ مجرم ..

المحامي

تقدر تفهمني بالظبط المحكمه دى مقوماك معايا ولا علي ؟ ..

المتهم

معاك طبعاً ..

المحامي

طيب ازاي تقوللي مجرم والمتهم برئ لحد ما تثبت تهمته ..
(وهو يتقدم بنفس التوعد السابق مع الجندى نحو المحامي الذى
يقلد بأصابعه المسدس في وجه المتهم) .. أنا بقي ها عمل فيك
عاهه علشان أبقي مجرم علي حق وأشيل قضيه علي حق ..
تعالى ..

المتهم

أى حركه منك هاضرب في المليون .. انت فاكر نفسك فين ..
دى محكمه ياله .. ويكون في علمك الحركه اللي عملتها دى أقل

المحامي

حاجه فيها دبح .. فاهم يعني ايه دبح .. طبعاً ماتعرفوش لانك
عمرك ما دبحت فرخه ولا شويتها حتي .. علشان انت من
المعدمين .. الدبح ده يعرفه الأغنيا اللي زى حالاتي .. من أيام
ما كان الغني مننا بيتغدى بأسد ويتعشى بمراته .. أوعي تقول
كلمه واحده لأخلص عليك ..

المتهم

لا حول ولا قوة إلا بالله .. لا حول ولا قوة إلا بالله .. باقول ايه
يا اسطي ..

المحامي

أسطي ؟ ..

المتهم

استقراطي ياسيدى ماتز علش .. شوف انا ها ادخل القفص علشان
أنا مجرم زى ما بتقول .. ماشى ..

المحامي

ماشى ..

وانت تطلع من هنا علشان انت ضلالي زى انا ما باقول ..

المتهم

أنا .. ضلالي !! ؟ ..

المحامي

والضلالين عن المجرمين مايتخيروش ..

المتهم

لا انا موش زيك .. لا .. انت حاجه وأنا حاجه .. أنت من

المحامي

طبقه وأنا من عجينه .. أنا هنا وجودي لسبب إني أدافع عنك ..

بمزاجك أو من غير مزاجك ها دافع عنك .. ده روتين .. روتين

.. فهمت ولا نقولها ثاني .. (ثم في لهجة أمره) .. ياللا

اتفضل خش القفص علشان اسألك كام سؤال لزوم الشغل ..

اسمك ؟ ..

المتهم

بلاص ابن زلعه ابن ماجور المدالج ..

المحامي

تمام الاسم .. البيانات اللي جمعتها عنك كلها ماتخرش الميه ..

(ثم في طريقه سريعه) .. انت صحيح أصلك واطي ؟ ومن

عيله واطيه وبيئه .. ومهنه العيله كلها زبالين ؟ ..

المتهم

مالهم الزبالين ؟ ..

المحامي

(في سعادته) .. التقارير لغاية دلوقت ماشيه عال .. تقدر

تقوللي آخر مره خلفت عيال .. هل كنت في كامل قواك العقلية؟

هو خلفه العيل عندكم بتيجي بالعقل ؟ ..

المتهم

معلوماتي كده ..

المحامي

(بلهجة أسف) .. الأغنيا دول مساكين ..

المتهم

إحنا مساكين يامتخلف !! ..

المحامي

المتخلف هو اللي بيتهيأله ان الخلف بيجي بعقله ..

المتهم

امال بايه ؟ ..

المحامي

احنا في محكمه .. عيب ..

المتهم

وبتعترف صراحه انك مش منظمها ..

المحامي

ايه دى اللي أنظمتها ؟ ..

المتهم

الحبوب يافندى ..

المحامي

- المتهم لا عندك .. كله كوم والشتيمة كوم .. رغم اني ممكن أعديها
واقول القبيح يشتم الباشا .. لكن لأ .. الباشا هيستم القبيح ويهزأه
حسن ملافظك بعدين أنسحب من قضيتك واخنقك ..
- المحامي طظ في انسحابك .. تفكر اني من غيرك هاضيع أكثر ما انا
المتهم ضايع .. ولا يعني موش هاعرف اهجص بكام بق من اللي
بتقولهم وتسلك القرشينات .. طظ فيك وفي دفاعك ..
- المحامي (في توعده) .. طيب يابلص يابن زلعه يابن ماجور .. ان ما
وريتك .. وحياتك اللي هاتعدمها بدرى لاسخن عليك المحكمة
وأشهد ضدك واقول انك مزور ومجرم مع سبق الإصرار
والترصد ..
- المتهم حتي لو كنت هأبجك عشر تلاف براني بعيد عن الملايم اللي
هايدوهوملك ..
- المحامي انت حيلتك حاجه ..
- المتهم موش أنا مجرم زى ما بتقول ..
- المحامي مجرم ومنحط وواطى وأهلك كلهم دون ..
- المتهم طيب الواطى أبو أهل دون مايعرفش يتصرف في مبلغ هفيه زى
ده ؟ .. هي الفلوس اللي مالهاش حساب النهارده موش مايقتش
تجرى إلا في ايد بتوع الماكس والبانجو والبودره ..
- المحامي (مفكراً) .. مطبوط .. مطبوط كلامك يازباله .. والمبلغ اللي
بتقول عليه ده .. جاهز ؟ ..
- المتهم ورهن الإشاره ..
- المحامي يبقى انا خلاص قررت أترافع عنك بدمه ياصايح يامتشرد ياحقير
المحامي (في تعجب) .. هايترافع ده ولا هايبتواطى ؟ ..
- المتهم المثل بيقول حبه فوق وحبه تحت .. انت ماسمعتش قانون عدويه
المحامي ومذكرته التفسيريه يابنت السلطان ردى علي الغلبان ..
- الجندي (وهو يدخل مسرعاً ويشير بيده الي من يتبعوه ان يتقدموا
مسرعين) .. بسرعه لحسن الجلسة هاتبدأ خلاص .. اتفضلوا
ياأكابر .. اتفضلوا ياغلبه يامظلومين ..
- الجندي (تدخل مجموعه من ثلاثة رجال وتبدو هيئتهم من علية القوم
وهم يتجهون الي المستوى الأعلى ليجلسوا في تقزز شديد تحت
يافطة " الغلبه ") ..
- الجندي (وهو ينادى) .. ياللا .. الصيع يدخلوا .. وتنهم قيام جلوس
قيام جلوس .. لحد الجلسة ما تنتهي .. خشوا ..
- الجندي (يدخل المسرح رجلين ومعهم امراه تحمل طفلاً رضيعاً ونلاحظ
أن ثيابهم رثة وقذره للغاية ويتجهون نحو بلاص في القفص
لتحيته وهم شلضم وبيع وأم خيشه زوجة المتهم) ..
- شلضم أزيك يابلص .. قدره أخوك اللي في بلاد بره باعتلك السلام

ويقولك انه قرب يلم زبالتهم كلها وجاى لاجل ما يفتح مشروعه
اللي بيحلم بيه .. خرابه مول ..
فيك الخير يا ابو الشلاصيم ..
كلنا معاك يا بلاص ..

بلاص

ببع

بلاص

تسلم يا ببع .. (ثم وهو ينظر الي زوجته التي تنظر له في لهفه
واشتياق كبير) .. عامله ايه يأم خيشه ؟ ..

أم خيشه

ها عمل ايه وبلاص بعيد عني .. من يوم ما اتحبست وانا موش
طايقه انزل الشغل واتسول ولا طالعاه من بقي نهائي كلمة الله
يامحسنين .. امتي بقي تخرج وتجيلنا امتي .. عيالك مشتاقينلك
.. وانا كمان مشتقالك وقربت أدى ودني للكلام الحلو اللي
باسمعه من الديوك اللي ماليه الشوارع .. ياه .. ده الرصيف
من غيرك وحش بشكل ..

بلاص

ادعيلي ربنا يخرجنا منها علي خير .. وموش هاوصيكي ..
خللي بالك من العيال قوى .. وغطيهم بالكوفرتة اللي جايبها لك
من آخر سفريه لبولاق ..

(في المستوى الأعلى يقف أحد الرجال معترضاً ويشير الي ما
يحدث أمام قفص الاتهام لزملاءه حيث يتم الحديث التالي) ..

شريف

ده كلام ياساده .. الناس دي سايينها كده تتكلم براحتها جوه
المحكمة .. صدق من قال : يبقى القانون مننا .. والحق حقنا
.. وييجوا الصيع يقعدوا علي قلبنا .. عجبني ..

منير

هدى نفسك يا شريف بك .. هدى نفسك .. جرحك لسه جديد
وعملية البواسير لسه طرية ..

شريف

والله يامنير بك هاتنقط من حال البلد دي .. (ثم وهو ينظر الي
الثالث صبرى) .. ولا انت موش معايا يامتر ؟ ..

صبرى

انا مستني بس لما المخاكمة تبدأ .. وهاتشوف انا ها عمل ايه ..
سيادتك أكيد سمعت الكلمة اللي بتتقال عني في المحاكم .. بص
شوف صبرى بيعمل ايه .. هو انا محامي سهل ولا عمرى
كسبت قضيه ..

شريف

(في قلق) .. ايه ؟ ..

قصدي أقول عمرى ما خسرت قضيه ..

صبرى

وعشان كده أنا وكنتك .. وعشلقن كده انا دفعلك .. وعارف لو
ماجبتليش حقي .. هارفع عليك قضية نفقه لي انا والمدام والأولاد
.. لانك أخذت كل اللي حيلتنا من أول الأطيان والروزاريس لحد
الكارته والشاليه اللي في مارينا ..

شريف

(صارخاً فجأه) .. محكمة .. حكمت المحكمة حضورياً ..

الجندي

(ثم يتدارك) .. لامواخذه دي اللي هايقولها القاضى .. محكمة
(تدخل هيئه المحكمة وعلي وجوههم ألقعه لشخصيات شهيره :

القرصان ودراكولا ومهرج السيرك .. وكما يدخل ممثل الادعاء وهو بملابس الانسان الأول التقليديه وبيده العظمه الشهيره ويتجه هو الآخر الي مقعده .. ولتحديد الشخصيات فان دراكولا هو القاضى والقرصان المستشار اليمين والمهرج مستشار اليسار)

ياللا .. فتحنا الجلسة وعاوزين نشوف دم .. الادعاء جاهز ؟

جاهز ومضببط نفسى وكله في السليم ..

محامي العالم النكد موجود ؟ ..

موجود ياسياده القاضى ..

محامي الناس الغلابه موجود ؟ ..

محسوبك ياباشا موجود ..

خش علي الشغل بسرعه .. علشان انا والزملا مستعجلين (وهو

يشير لممثل الادعاء) ..

سياده القاضى .. حضرات المستشارين .. انه في اليوم الأول

من محرم الموافق

(في ضيق) .. انت هتحكلي قصه ؟ .. بقولك مستعجلين ..

(في استماله للقاضى) .. عفوا سيدي القاضى .. انه في اليوم

الأول من محرم

هايرجع بقوللي تاني الموافق .. ايه رأيك بقي اني انا مش موافق

علي الرغي ده .. خلص ..

انه في يوم من الايام

(محذراً) .. ها ..

كان لي قلب ياباشا .. مافيهاش حاجه ..

علي النعمه أحبسك .. وده آخر تحذير ليك .. خش عدل في

الموضوع ..

في هذا اليوم المنيل اللي جنابك متضايق منه .. تناولت يد هذا

المجرم المائل امام حضراتكم كأنه قطه .. للعبث والتزوير في

أوراق رسميه .. لقد أنجب هذا المجرم ولدا وتوجه به الي مكتب

صرف الأسماء للمنحطين من أمثاله .. فأعطي له أسم خيشه

ليكون أسم الطفل خيشه بلاص ابن زلعه ابن ماجور المدالج ..

لكن المجرم لم يرضى بشرعية هذا الاسم وتوجه ليلا خلسه الي

مكتب صرف الأسماء للمرتاحين بحثا عن اسم يلطشه .. ويشاء

القدر أن تطال يده اسم شريف بك ياساده .. شريف بك رجل

المال والأعمال والدولار .. وها هو يزور في الأوراق الرسميه

ليغير اسم ابنه خيشه الي شريف .. بل وشرع أيضا بتفكيره الدني

أن يغير اسمه كذلك ليضمن لابنه المفعوص مستقبل بالتعلم

والحصول علي مؤهل .. وهذا لا ينسجم نهائى ولا بصحه لمثل

القاضى

الادعاء

القاضى

محامي ا

القاضى

صبرى

القاضى

الادعاء

القاضى

الادعاء

القاضى

الادعاء

القاضى

الادعاء

القاضى

الادعاء

هؤلاء الحثالة من المجرمين .. عمرها ما حصلت .. عمرها ..
 (وبعد كلمات الاستنكار من المستوى الأعلى وحركات
 تقززهم) .. سادتي .. إن الجريمة ليس لها حدود كما تعلمون
 .. فالذى يسرق البيضه يسرق الفرخه .. ولا يعيقه حتى
 أنفلونزا الطيور .. موش مهم .. لقد حاول السيد شريف المجني
 عليه ان يستعيد اسمه بكافة الطرق والوسائل السلميه .. لكن
 المجرم ابي .. ابي وطنش .. وهذا أنيل ما في الموضوع ..
 ابي أن يعيد الاسم المسروق أو أن يرضع ابنه بوليس نجده لاجل
 ما يموت وتنتهي المشكله .. هل هذا عدل ؟ .. أليس هناك
 قانون يحمي الاسماء والعائلات ؟ .. إنني أطالب بتوقيع أقصى
 العقوبه علي المتهم .. انشالله يموت ألف مره .. برضه موش
 هايشفي غليلي .. أنا بصراحه عاوز جنازه وأشبع فيها لطم ..
 عايز أرتاح لانني تعبان .. تعبان وحاسس ان نفسي غمه علي ..
 علماً بإنني متجاوز من اسبوعين .. (يتمالك نفسه) .. سادتي
 .. عليكم بإنقاذ الناس الغلابه من يد المفتريين .. فما ذنب
 الأجيال القادمه من المرتاحين حين تنتهي الأسماء المحترمه
 بالسرقة والتدليس ولا يجدوا أمامهم غير أسماء قدره مثل بعبع
 وشلضم وبلاص وقدره وما شابه من العاهات ؟ .. ما ذنبهم ؟
 (للإدعاء) .. انت بتجيب سيرتي ليه يا جدد انت ؟ ..

شلضم

القاضي

شلضم

القاضي

شلضم

القاضي

شلضم

القاضي

مين اللي اتكلم ؟ ..
 أنا ياسياده القاضي ..
 انت مين ؟ ..
 انا شلضم هلضم الكلوم ..
 شلضم هلضم الكلوم ! .. إسمك عار ..
 عار ليه يابك ؟ ..
 وهاحبسك عشر سنين لانك فتحت بقك بدون اذن .. خده
 يا عسكرى ..

شلضم

برى يا عالم .. برى يا خلق .. برى ربنا يهدكم ..
 (الجندي يتقدم ويدفع شلضم الي الخارج حيث يسود الهدوء
 المسرح نسبياً ثم يدخل الجندي وهو يتفرض يداه) ..
 وديته جنب التابوت بتاعي علشان أسهر أمزمز فيه ؟ ..
 طبعاً ياباشا .. (ثم جانباً) .. ده احنا لو ماوردناش العشا
 ليلاتي هاييجي علينا الدور ..

القاضي

الجندي

محامي المجني عليه يقوم يحامي ..
 (وهو يتقدم نحو هيئة المحكمه ويحمل ورقة كبيره جداً ليقرأ
 منها وصارخاً) .. غير مجد في ملتي واعتقادي .. نوح باك
 ولا ترنم شادي .. وشبيه صوت النعي اذا قيس بصوت البشير

القاضي

صبرى

في كل نادى ..

نادى ايه ؟ ..

اللي يعجب سيادتك .. ولو اني أحبذ النادى اللي عظمتك بتشجعه .. بهذا ياسيدى القاضى وصحبته .. أفتتح بمشيئة الله دفاعنا في هذه الواقعة .. إنني هنا لا أدافع فقط عن السيد شريف الأصلي .. بل أدافع عن كل الغلابه .. ان السيد شريف الأصلي هو الأصلي .. وحاكم أصلي وفصلي كلهم من بعض خيركم وانتوا عارفين ..

إختصر ..

ان موكلي ياساده من الناس التمام قوى .. عنده بدل البدله خمسين .. وبدل القميص ستين .. وربنا يديله كمان وكمان .. المهم سأقص علي عدالتكم القضيه وانتوا بقى تشوفوا وتحكموا بمزاجكم .. (ثم وهو يركض في دائرة حول نفسه كما لعبه الأطفال في حدوته التعلب) .. يحكي أن .. أن ايه .. أن شريف .. شريف البيه .. نايم ليله ولا عليه .. كله بلاص .. وأكله في ايه .. أكله في اسمه الطمعان فيه وإداه لابنه يعليه بيه .. لاجل يخش لاسيه فرنسيه .. زعق نادى الناس حواليه .. عشره ما جابوا موثور رجليه .. شفت الإسم وسك عليه .. جم يقولوا ياعم فيه ايه ؟ .. قال ده لخيشه ونفسي فيه .. واذا كنتوا فهمتوا هاتعملوا ايه ؟ .. (ثم وهو يلطم خديه أخيراً) .. أحيه ..

(قبل أن يعقب أحد) .. اللي هايتكلم هالبسه قضيه ..

ماشى لغاية كده ..

ماشى ..

هو ده اللي حصل ..

ايه بقي اللي حصل ؟ ..

(يغير لهجته خوفاً من القاضى) .. انا باقول لحضرتك ان موكلي السيد شريف الأصلي مايقدرش يصرف إسم بدل فاقد الا لما اللي سرق اسمه يموت .. فاذا كان المتهم بلاص ابن زلعه ابن ماجور المدألج ناوى علي خير .. مافيش مانع يحذف نفسه في فرن ولا في بحر ويخلصنا ..

طيب واحنا تبقي فايدتنا ايه .. (الي المحامي ١) .. الدفاع عن المتهم .. (ثم محذراً له) .. من غير يحكي أن ..

(وهو يقف مذعوراً ويتقدم صوب القاضى في محاوله ان يهمس في أذنه بشئ) .. لا من غير .. بس فيه حاجه كده ..

مافيش داعي للشرح .. المحكمه عارفه كل حاجه ..

يعني حضرتك فاهم وضعي وفاهم اني بادافع عنه غصب عني ..

القاضى

صبرى

القاضى

صبرى

القاضى

صبرى

القاضى

صبرى

القاضى

صبرى

القاضى

لمحامي

القاضى

لمحامي

مسأله إجراءات طلوعوا لنا فيها بتوع حقوق الانسان .. قول ..
(فرحاً) .. يعني مفيش أى ضرر علي ..
لا مافيش ..

القاضى
المحامى
القاضى
المحامى

حيث كده نبدأ نتحامي .. أقدملكم نفسى .. أنا نبيل نبيل النبلاوى ..
من نبلاء كفر النبائيل .. وجارنا عدل جميل بك جميل
الجملاوى .. من جملاء كفر الجماميل .. احنا ياسياده القاضى
مشبحين في البلد وواصلين لكل حاجه تيجي علي بالك .. وده
ماجاش من فراغ .. احنا صحيح جدنا السابع كان اسمه المقشف
.. لكن لوش واجتهد وجاب فلوس ماتعرفش منين ودفعها لمكتب
صرف أسامي المرتاحين وأخذ اسم النبلاوى .. ومن خوفه عليه
لا يتسرق دقه علي دراعه اليمين ودراعاه الشمال .. أمى
بتحكيلي ان الاسم ده كلفه أيام الرخص خمسين جنيه .. جنيه
يعشق جنيه .. باختصار .. أنا نبيل نبيل النبلاوى من نبلاء كفر
النبائيل .. تخصص في المرافعه أمام محاكم النط علي الأسماء
.. ومحاكم نتش الألقاب .. ومقدم طلب عشان ياخدوني في
محاكم التعدى علي قسط المحترمين .. عمليه ماهياش سهله ..
عموماً مش هاطول عليكم وأبدأ مرافعتي .. لقد عهد إلي بأن
أكون محامي هذا المجرم .. (يشير الي بلاص الذى بيدي بيده
حركة للتوعد) .. إنني أطالب بالحماية منه حتي أستطيع أن
أكمل ما اصطلح عليه من سيادتكم بإجراءات حموم الانسان ..
حموم الانسان ؟ .. ياللا أهه نضافه قبل ما يتاكل .. كمل ..
أى كلمه أونطه هاتقولها .. هاقولهم اللي عندى ..

القاضى
بلاص
المحامى
بلاص

عندى حكاية العشر تلاف جنيه .. بأماره ما أنا مجرم ومنحط
وواطي وأهلى كلهم دون ..
(وهو يعتدل في جلسته ويتجه بوجهه ناحية بلاص ويهز رأسه
في ابتسامه تتم عن اصطبياد شئ ما) .. انت قلت ايه ؟ ..
الكلام اللي قاله علي وعلى أهلى ..
الكلام موش مهم .. كلنا بنتشتم .. انا عاوز اعرف ايه حكاية
العشر تلاف جنيه دول ؟ ..

القاضى
بلاص
القاضى

قاللي انه عاوز عشر تلاف جنيه نظير انه يرشهم عليكم عشان
تدوني البراءه .. ولما قلت له اسلمهم أنا بايدي لعضمتكم رفض
وقعد يشتم في ..

بلاص

ماهو لازم يشتمك ويلعن سنسفيك ..
عشان فهمت انها لعبه وحب يلطخ بيها أساميكو ؟ ..
لا .. عشان انت حمار ومشيت في السكه الغلط .. ونسيت ان
القضاء سيد قراره ..

القاضى
بلاص
القاضى

جائيله تماماً ٠٠ أنا من الصبح نفسى أفهم القضية دى إيه ٠٠
وأساسها إيه ٠٠ موش لاقى حد يدلني ٠٠ (ثم لبلاص) ٠٠ هي
المشكلة إيه يا أخ ؟ ٠٠

المشكلة بيقولوا إني سرقت من البنك اسمه ٠٠ (يشير الي شريف)
(في دهشه) ٠٠ معقول !! ٠٠ (ثم للمحامي) ٠٠ وانت هنا
ليه؟

بلاص
المهرج

المحكمة معيناني أدافع عن المتهم ٠٠
وليه مش عاوز تكمل مرافعتك ؟ ٠٠
هاتاكل ياباشا ٠٠ هاتاكل ٠٠

المحامي
المهرج
المحامي

(للقاضى) ٠٠ إيه رأى سعادتك نأجل مسأله أكله الليله دى لحد
ما يترافع ٠٠ علي الأقل نبقي مشينا الناحيه الشكليه للمحاكمه ٠٠
ماجراش حاجه ٠٠ الفجر لسه بدرى عليه ٠٠ (للمحامي) ٠٠
كمل مرافعتك أدينا قاعدين ٠٠

القاضى

(المحامي يعود الي حيث كان يقف أمام القاضى وهو ينظر
لبلاص في تواعد في الوقت الذى ينظر فيه بلاص له في سخريه
المنتصر) ٠٠

كله منك ٠٠ كله منك ٠٠ الزنقه اللي زنقتها دى لازم يكون لها
حل ٠٠ أنا بقي محامي لعبتي الكلام وهاوريك ٠٠ اسمع بقي البق
ده ٠٠ (ثم للقاضى) ٠٠ سيدى القاضى ٠٠ حضرات
المستشارين ٠٠ هناك جريمه أكيد ٠٠ وهناك متهم ومجني عليه
أكيد الأكيد ٠٠ وهناك دليل وشهود أكيد الأكيد الأكيد ٠٠
الموضوع دلوقت بيتلخص في كلمتين اتنين ٠٠ الراجل ده (يشير
الي بلاص) ٠٠ لهف أسم الراجل ده ٠٠ (يشير الي شريف)
٠٠ فالراجل ده ٠٠ (يشير الي شريف) ٠٠ زعلان من الراجل
ده ٠٠ (يشير الي بلاص) ٠٠ لذلك فان الراجل ده ٠٠ (يشير
الي بلاص) ٠٠ موضوعه أصبح مع الراجل ده ٠٠ (يشير الي
شريف) ٠٠ ولأن الراجل ده ٠٠ (يشير الي شريف) ٠٠ هو
الوحيد اللي أضر من اللي عمله الراجل ده ٠٠ (يشير الي
بلاص) ٠٠ يبقى الراجل ده ٠٠ (يشير الي شريف) ٠٠ يحل
مشكلته مع الراجل ده ٠٠ (يشير الي بلاص) ٠٠ وعليه فان
الموضوع بالنسبه لنا كلنا منتهي ٠٠ وعلي رأى المثل شيل ده من
ده يرتاح ده عن ده ٠٠ وربنا يديكم الصحه ٠٠ وكل عام وأنتم
بخير ٠٠

المحامي

(للمحامي في غيظ شديد) ٠٠ ايه الكلام الفارغ اللي عمال تقوله
يابني آدم ؟ ٠٠ (ثم للقاضى) ٠٠ ياسياده القاضى أنا باطالب
بدخول الراجل ده ٠٠ (يشير الي المحامي) ٠٠ مكان الراجل ده
٠٠ (يشير الي بلاص) ٠٠ لان الراجل ده ٠٠ (يشير الي

المدعي

(المحامي) .. لا قدر يفهم الراجل ده .. (يشير للقرصان) ..
 ولا الراجل ده .. (يشير للمهرج) .. ولا الراجل ده ..
 (يشير للقاضى) .. ولا الراجل ده .. (مشيراً لنفسه في
 النهاية) ..

(فرحاً) .. يحيا العدل ..

بلاص

(للقاضى) .. سكتوا المجرم ده ..

المدعي

(للمدعي) .. خف علي لأبسك نصيبه انت كمان .. خف ..

بلاص

(وهو ينظر هنا وهناك) .. ياه .. هي المحكمة ضلمت كده ليه

القاضى

.. انا تعبت .. الشمس قربت تطلع وعائز أخش التابوت

وأتعشى قبل ما انام .. أى واحد فيكم هايتكلم بيقي هو العشا

بتاعي .. الراجل فيكم يفتح بقه ..

أم خيشه

جرى ايه ياعم القاضى .. هو احنا فين ؟ .. في مدرسه ..

ماتسبب اللي يتكلم يتكلم .. (ثم وهي تشير الي المدعي) .. ما

الراجل ..

(مقاطعاً) .. باينها ليله موش فايته الليله دى .. هاتقولي هي

القاضى

كمان ده ..

موش هاقولها .. لكن هاقول انه بسلامته من ساعه ما دخلنا وهو

أم خيشه

حاطط نقره من نقر جوزى .. زى ما يكون جوز أمه .. ولا

التانى .. (تشير الي محامي شريف) .. هو كمان مستعصب

قوى عليه .. حتي اللي انتم جايبينه يدافع عنه هو كمان حاطط

بلاص علي دماغه وزاعق .. هي ايه العبارة ؟ .. ظلم ده ولا

موش ظلم .. دى حاجه تجنن دى ..

القاضى

حد أذنالك تتكلمي ؟ ..

انت مش هددت الراجاله وقلت مايفتحوش بقهم .. يبقي النسوان

أم خيشه

بقي تتكلم وتقول ..

فين النسوان دى ؟ ..

القاضى

موش شايفهم ؟ ..

أم خيشه

باقولك فين ؟ ..

القاضى

(الذى يتحدث بلهجه وطريقه أمراه لعوب بعد ضحكه) .. بص

ببيع

هنا ياسيادة القاضى ..

(لببيع) .. انت ست ؟ ..

القاضى

خدامتك .. واسمي بيع ..

بيع

(المهرج يضحك كثيراً حتي انه يضرب القاضى بكفه في مزاح

بالغ ليستحته علي الضحك) ..

فيه ايه ياحضرة المستشار .. مالك ؟ ..

القاضى

يوه كنتك ايه ياببيع ..

المهرج

(بطريقة ريبه) .. هو بيع ده ..

القاضى

- المهرج
كان معايا زمان بنسرح في الموالد .. بس انا وقعت في ايدي كام
محفظه معكمه كده و عديت .. وهو لسه محلك سر .. ماقدرش
يجيب فلوس بدرى ويشتريله اسم ويبقي أفندى زينا ..
وده اللي خلاه قلب ؟ ..
- القاضى
المهرج
موش عارف .. بس الغريبه انها مازالت محتفظه باسم ذكر ..
ببع ..
- ببع
(للمهرج والمحكمه تضح بالضحك) .. مالقاش معاك خمسين
جنيه عشان نسيت الفيزا كارت في البيت ..
خمسين جنيه مره واحده .. ليه ؟ ..
أشترى هه ..
هه ؟ ..
- المهرج
ببع
عشان ازودها علي الاسم اللي معايا ويبقي ببعه ..
ده احنا ولا اللي بقينا في شارع الهرم .. اسمع ياببع انت ..
- القاضى
ببع
عيني ياحضرة القاضى ..
عاوز ودنك موش عينك .. نظير الدوشه اللي عملتها في
المحكمه دى .. انت محبوس لحد ما تموت أو تتوفي أيهما أقرب
أقول اللي في نفسى بقي قبل ما أموت ..
- ببع
المهرج
قول ياببع ياجميل ..
(للمهرج) .. قول للراجل ده .. (يشير نحو القاضى) ..
يفرج عن الراجل ده .. (يشير لبلاص) .. يفرج عنه قوى
اشمعني ..
- المهرج
ببع
بحبه ومفيش داعي للإحراج .. مراته واقفه ..
(بلهجة عتاب) .. ده كلام بالذمه ياببع .. هو بلاص يغلي
عليك .. انت تحبه .. أنا أحبه .. بلاص بلاصنا كلنا ..
- ببع
أم خيشه
حيث كده خدى راحتك المحكمه بتاعتي .. (يشير للمهرج) ..
ياعداله القاضى .. هو حرام ان الواحد يبقي عاوز ابنه يكون
أحسن منه ؟ .. بدمتك انت موش عاوز ابنك يكون أحسن منك ؟
(باستهجان) .. يطلع قاضى يعني وأنا أبقي حنة محامي واقف
قدامه .. لأ طبعاً ..
- أم خيشه
القاضى
(في انفعال) .. ياسيدى انشالله يطلع سباك .. المهم انه يركب
الحنفيه أحسن منك والسلام ..
ده كمان لأ ..
- أم خيشه
القاضى
ما علينا .. أنا جوزى حب يطلع ابنه أحسن منه .. تيجي ازاي؟
ازاي ؟ ..
- أم خيشه
بلاص
من حال المبتدى احنا ماحلتناش أى حاجه نتسند عليها ..
خشى في المرافعه ياأم خيشه ماتضيعيش وقت ..
سيدى القاضى واللى جنبك دول .. هل يمكن ان يكون لهذا الطفل
- أم خيشه

الأعزل مستقبل في ظل اسم خيشه ؟ لا بالطبع .. وذلك لسيطره القوانين التي لا تتيح لتلك الشرذمه من البشر أن تجد لها مكان تحت الشمس .. فكان لا بد من إحداث تغيير جذري وجوهري كي تتناسب الأسماء مع التطلعات .. حتي لو أدى ذلك لتغيير القوانين ان لم يكن كل مواد الدستور ..

(بطريقة الهمس للقاضي) .. الست دي بتتكلم في السياسة .. قيد عندك ..

المدعي

هناك فارق كبير ياسيدى بين السياسة والقوانين الوضعيه .. السياسه هي اللي تضع القوانين ..

أم خيشه

المدعي

عليك بمراجعة السنهوري ومؤلفاته .. فقد تنجلي الأمور أمامك .. وان ماانجلتش إدعكها بليفه سلك ..

ثم خيشه

أحتج ..

المدعي

سبب الست تتكلم ..

المهرج

الكلام ده انا سمعته في السيمبا .. فيلم ايه موش فاكر .. تقريباً الأكتع والسيف ..

القرصان

(لأم خيشه) .. كملني كلامك وخالصينا ..

القاضي

وحسبي في الدلاله علي رؤيتي الموضوعيه للأمور .. ان اللص في كثير من الأحيان قد تكون بداية لصوصيته هي الحاجه .. والحاجه أم الأختراع .. لكن هل يمكن للمدعو بلاص ان يخترع اسماً غير الذي صرف له بقوة القاتون .. علماً بأن الأسماء موجوده كوجود الشمس والهواء .. الأسماء تملئ العالم ياساده .. اذا فليس هناك ما يدعو الي التفريق بها بين من يملك بالمنصب والجاه ومن لا يملك حتي قوت يومه .. وهذا ما دعي المدعو بلاص أن يقتبس اسماً لابنه لقناعته بتلك الفكره .. فليس هناك حرج في أن يقتبس أي اسم حتي لو كان للسيد شريف لا حرج .. وسؤالي الآن للسيد شريف .. (ثم وهي تتوجه بالسؤال الي شريف) .. هل اسمك في الواقع يعتبر اسم علي مسمي ؟ .. أم أنه اسم مستعار ومقتبس أيضاً تغطي به أفعالك المريبه في دنيا المال والاعمال .. والشاهد علي ذلك بنوك بلاد بره اللي مسلك فيها القرشينات .. دولارات .. دولارات .. دولارات ..

ثم خيشه

(في تحدى) .. أنا أحتج .. (ثم للمحامي الذي ينظر الي أم خيشه في انبهار) .. ما تتكلم ياخويا ولا انا جايبك عياقه ؟ ..

شريف

تصدق يابيه اني مكيف من اللي باسمعه .. مكيف ؟ ..

صبرى

شريف

الولايه بتقول كلام زى الفل .. إطلع من نافوخي الساعه دي خلليني أتعلم .. (ثم الي أم خيشه) .. ايه اللي بتقوليه ده ياست

صبرى

- ٠٠ يا عظمه علي عظمه علي عظمه ٠٠
وصلنا للعظمه يا عدالة المحكمة ٠٠
- المدعي
أم خيشه
- وفي ختام مرافعتي المتواضعة فأنني أطلب لموكلي ٠٠ جوزي
اللي بياكلني وبيكسيني وشقيان علي وعلى عياله ٠٠ أطلب له
البراءه ٠٠ وأرعدكم ماعدناش نبص لفوق ٠٠ لان اللي ببص
لفوق بيلاقي أشكالكم ودي أكبر نصيبه ٠٠ (تبكي) ٠٠
- الجندی
- (فجاه) ٠٠ محكمة ٠٠
(القاعه كلها في صمت وترقب لشئ ما والقاضي بنفسه ينظر
حوله بحثاً عن دخول أحد كما يحدث في دخول هيئة القضاء) ٠٠
- القاضي
الجندی
- فيه ايه يا عسكري ؟ ٠٠
ابداً يا حضرة القاضي ٠٠
- القاضي
الجندی
- أمال مالك طلعت كده زى البتاع وقلت ٠٠ (يقلده) ٠٠ محكمة ٠٠
موش عارف ٠٠ جت معايا كده ٠٠
- الجندی
القاضي
- طيب ٠٠ نظراً لأنك خضيت المحكمة ٠٠ فقد قررنا عزلك من
عسكري لجندی وابقى شوف مين هيعبرك ٠٠
- الجندی
- أبوس ايدك يابك ٠٠ بلاش جندی دي ٠٠ كل الشباب بيجندهم
والخوف لا يجندوني من أول وجديد ٠٠
- القاضي
المدعي
- (غير مبالياً) ٠٠ المدعي عاوز يقول حاجه ؟ ٠٠
أيوه ٠٠ (ثم بصوت هامس) ٠٠ أي قى نص جنيه سلف لإني
اتقشطت ٠٠
- القاضي
القرصان
- انا موش عارف ازاي ده يحصل واحنا جوه المحكمة ؟ ٠٠
(المدعي ينظر له نظره ذات مغزى) ٠٠ الزملا بالذات أنا
ماباجيش جندهم خالص ٠٠
- القاضي
- (للقرصان) ٠٠ علي بابا ٠٠ المهم دلوقت عاوزين نقول الحكم
عشان كل واحد يروح لحاله ٠٠ (ثم للجندی) ٠٠ اتعصب باللا
وقولها ٠٠
- الجندی
القاضي
- (في عصبية) ٠٠ محكمة ٠٠
حكمت المحكمة حضورياً باعدام المدعوق بلاص ابن زلعه ابن
ماجور المدألج ٠٠ وتعريمه وتعريم ورثته بكل أتعاب القضييه بما
فيها النص جنيه السلف اللي هاندفعه للكروديا ٠٠ وتعويض مالي
قدره حوالي حاجه كثيره كده تسدد ديون البلد اللي اتقشطت هي
التانيه يوم ورا يوم ٠٠
- أم خيشه
بلاص
- (صارخه) ٠٠ بلاص ٠٠
ماتخافيش يا أم خيشه ٠٠ مشوار صغير وراجلك ٠٠ أبقى
حضريلي أكله حرشه ٠٠ وورق الجرايد اللي هانسد بيه الشبابيك
٠٠ بس بقولك ايه ٠٠ الجرايد تكون بالعربي علشان لو كان لي
عمر بعديها أبقى اقراها ٠٠ ولو ماكنليس ٠٠ ابقى غطيني بيها

- وصوتي ..
 محكمة ..
 الجنازه هاتكون أبهه يابلاص ماتقلقش .. كلها غلابه وشحاتين
 وأمن مركزي فوق البيعه ..
 أمن مركزي فوق البيعه !! ..
 الله .. موش هاتحسب مظاهره برضه ياعم القاضى .. (ثم
 لبيع) .. خللي بالك من العيال وامهم ياببع .. وشلضم كمان
 هو فين ؟ ..
 (والذى يفاجأ بوجوده في الخلف) .. موجود يابلاص وقاعد
 أيد كل حاجه ..
 ياحلاوة الصحبه الحلوه اللي لا يمكن تتعوض أبداً ياجدعان ..
 محكمة ..
 أخيراً كسبنا القضية ..
 كسبنا القضية دي حكايه .. لكن انا عاوز أتعايب الخمسه مليون
 جنيه ..
 عنيه ليك .. أول مااطمن اني هافك من البلد أنا كمان .. فلوسك
 هاتكون علي الجزمه ..
 محكمة ..
 الجندى
 المهرج
 القاضى
 (للقاضى) .. انت خلاص حكمت صحيح ؟ ..
 (في دهشه) .. حكمت صحيح !! .. هو الكلام مش كان
 قدامك ياابني ؟ ..
 الكلام كان قدامنا أه .. لكن احنا لينا رأى ثاني غير كده ..
 اذا متفقين .. عمر الاختلاف في رأى ما فسد للود قضيه ..
 لأ فسد .. ولازم القضيه دي تتعاد من اول وجديد .. وكل واحد
 فينا يقول رأيه بصراحه ..
 (للقاضى) .. سياده القاضى .. احنا كده هانتسوح ..
 التسويح يعم يامحامي النكد ..
 أنا أصدرت حكمي خلاص .. اللي زعلان من حاجه يجي يقابلني
 علي بكره عند التابوت ..
 بس انا بكره فيه شغلانه كده مربوط عليها ..
 موش لازم بكره .. السنه الجايه ياسيدى .. البلد مليانه بني
 آدميين .. بناقص ..
 محكمة ..
 الجندى
 أم خيشه
 القاضى
 ياحضرة القاضى ..
 يانعم ..
 خيشه مين هايربيه بعد أبوه ما يندم ؟ ..
 هو أول واحد هايتربي .. الأيام والأرصفه مدارسها كثير ..
 القاضى

- والدولة مشكوره عمرها ما بتمانع أبدا علي فتحها ..
- البك القاضي كلامه مطبوط .. ودي خيشه يسرح في الهرم .. بلاص
- وبكده يبقي نابنا حاجه من مدارس الدوله .. ويتعلم لغات ..
- (صارخاً) .. محكمه .. الجندى
- (فجأه الكل يتجمد مكانه كالتماثيل عدا بلاص الذي يخرج من القفص ويتفحصهم في دهشه) ..
- نمتوا .. هي الحكاية كانت حلم .. ولا الحلم كان حكاية .. بلاص
- منعول أبو ده حلم .. حلم غبي قذر زى ما قال الافندى المحامي اللي المحكمه معيناه .. بس الحلم ده كثير بيحصل .. بيحصل لكن في صورته ثانيه .. صورة لازم نصحي لها لبعدين تروح علينا نومه والغلابه كالعاده تتاخذ في الرجلين .. المساله ياخواننا حالياً واقفه عند كلمه لو .. لو الحلم ده حصل بالفعل .. هايجرى ايه ؟ .. (ثم وهو يغير لهجته) .. طيب نقولها بشكل ثاني متهيألي تعرفوه .. لو الأسامي كانت بفلوس .. كان الفقير سمي ابنه ايه ؟ .. (ثم لحظة صمت لسماع الجمهور) .. لا جاموس .. الجاموس رغم انه حيوان مسكين مالوش مطالب .. لكن بيفيد .. يوم ناخذ منه اللبن .. ويوم ناخذ منه اللحمه .. وباقي الايام بنغمي عنيه لاجل ما يفضل يجر في ساقيه عمرها أبدا ما هاتقف طول ما فيه المفيد والمستفيد .. (ثم وهو يشير لهيئة المحكمه النائمه) .. ياريت تقلقوهم علشان يصحوا والعرض يخلص وتروحوا .. (ثم وهو يستعد للتصفيق بكلتا يديه) .. ياللا ..

تضاء الصاله بكاملها لنهاية العرض

ممدوح فهمي ؟؟؟